

四庫全書

子部

欽定四庫全書

子部

初學記卷十二

詳校官中書_臣金應琦

員外郎_臣牛稔文覆勘

總校官檢討_臣何思鈞

校對官修撰_臣吳錫麟

謄錄監生_臣顧裕涇

欽定四庫全書

初學記卷十一

唐 徐堅 撰

職官部上

太師太傅太保第一

事

漢官儀云太師太傅太保皆古

官也殷太甲時伊尹為太保紂時胥餘為太師武王克

殷作周官立太師太傅太保為三公

應劭云太師天子所師法也太傅謂

傅天子於德義太保為能保安天子於德義舊說以司馬司徒司空為三公周以司馬司徒司空司寇冢宰宗

伯為六卿遂以
師傅保為三公

書云維茲三公論道經邦是也太師在

太傅上太保次太傅無官屬與王同職無不總統禮記

云三公無官言有其人然後充之無其人則闕

周武王
時齊太

公為太師成王時周公
為太傅召公為太保

秦漢之際並無其官至高后唯

置太傅

王陵為
太傅

漢末以大司馬大司徒大司空為三公

立師傅保之官位在三公上崇號為上公

平帝時以孔
光為太傅遷

太師王莽為太
保馬宮為太師

東漢已後皆以太尉司徒司空為三公

太尉與大司馬恒不兩置歷代
或以太尉或以大司馬為三公

師傅保常曰上公後魏

書官氏志云後魏尊師傳保為三師五代史百官志云

北齊因後魏亦曰三師後周依周禮又以師傳保為三

公隋初又為三師煬帝廢之自漢魏已來皆開府置寮

屬至隋省寮屬事對三足 六符

環濟要畧曰三公者象鼎三足共承其上

也漢書云六符孟康注曰秦階三台也台二星凡六星也六符星之符驗也應劭云黃帝六符經曰秦階天之

三黃閣 綠綬 沈約宋書云三公黃閣前史無其義臣按禮記云士鞮與天子同公侯大夫即

異鄭玄注云三公之與天子禮數相亞故黃其閣以示謙不敢斥天子宜是漢末制也晉官品令曰三公綠綬

綬也槐位 台階 周禮曰三槐三公位馬台階見上法三光 象五

岳

韓非曰背私曰公三公象鼎足也數三者

理陰陽

節風雨

傅子曰三公者佐天子理陰陽劉向說苑曰三公正天下調陰陽節風雨已上三公三師事

經邦事

秉國均

尚書曰立太師太傅太保孔安國注云師天子所法也佐王論道以經緯

國事有德乃堪之詩曰尹氏太師維周之氏秉國之均四方是維天子是毗俾民不迷鄭箋云毗輔也言尹氏居太師之官持國毗天子

備國師

詩云天子是毗已見東國均注中續

漢書曰趙典爲學博聞宜

變陰陽

經禮樂

尚書曰立太師太傅

太保惟茲三公論道經邦變理陰陽孔安國傳曰師天子所師法惟三公之任佐王論道經緯國事和理陰陽大戴禮曰天子不論於先聖王之德不知軍國畜民之道不見禮樂之正不察應事之理不博古今之典傳不

閑於威儀之數禮樂無經學
業不法凡是其屬太師任之
訓帝躬
持國政
應劭漢官儀曰

平帝元始元年孔光以太師見授太后曰太師先聖人
之後道術通明宜居四輔職訓導帝躬持國政事見秉

國均
得於磻溪
賜以靈壽
史記曰周文王得呂尚於磻溪以為師謂之大公武

王嗣位號曰師尚父成王即政尊為太師詩云惟師尚

父時惟鷹揚應劭漢官儀曰孝平皇帝元始元年太后

詔曰太師光今年老有疾俊乂大臣惟國之重書曰無

遺老成國之將興尊師重傳其令太師無朝十日一賜

餐賜以靈壽杖黃門令為太師於省中
元老
中庸
東觀

施坐置几太師入省杖馬已上太師事
元老
中庸
觀

漢記曰詔云行太尉事趙熹三葉在位為國元老其以

熹為太傅胡廣年八十心力克壯繼母在朝夕瞻省傍

無几杖言不稱老建練事體明解朝章雖無謬直之風

屢有補闕之益故京師諺曰萬事不理問伯始始天下中

庸有相天子錄尚書尚書曰立太師太傅太保惟茲三公論道經邦孔安國注云傳

傅相天子續漢書云大傅一人當以善道無常職世祖以卓茂為之其後每帝即位輒置太傅一人錄尚書事

薨輒省之三讓高萬事理應劭漢官云和帝冊曰故太尉鄧彪元功之族三讓彌高今以

彪為太傅錄尚書事百官明朝章戒戎事明朝章見中庸注大

總已以聽萬事理見上戴禮曰天子不惠於庶人不信於諸侯不戒戎事是之屬太傅之任三葉在位百官

總已三葉見趙熹注中又百官總已見三讓注已上太傅事上公元老上公已見叙事

王隱晉書曰王祥字休徵拜太保制曰耆安天子諫

父元老尚書云太師太傅太保惟茲三公論道經邦注云王惡太保保安天子於德義周禮保氏掌諫王惡注云

諫者以禮
義正之也

任伊尹

職召公

齊職儀云殷太甲時伊尹為太保周成王時召公為

太明允篤誠

高行清粹

晉起居注云太保衛瓘明允篤誠有匪躬之志其給千兵

騎百人高行清粹見元老注已上太保事

表陳沈炯為太傅讓表

奏六代之樂不能祈

天具百神之歌無以動聖廷首帝閣轉增危慄百川沸騰王室如燬釋位同謀諸侯總至盟書會府餘臣一人若使幅巾衡巷口絕平吳朝遊赤松暮過濟北出就侯服入褫龍章則四郊有壘誰守社稷如其雄戟在前強弩自衛負孺子之圖節緣鵠之鼎軍威重於護將國禮貴於塞門臣道尚卑孰云非逼臣所以出謝公卿入訓妻子拜長陵之園謁太祖之廟不以九族違恩義不以百姓負國家所期陛下與北極同尊朝廷與南山等固

碑周王褒太保吳武公尉遲綱碑

昔者王室藩屏同族謂之宗親列國諸侯

異姓稱為伯舅元勳懿德周崇齊魯之封疏爵疇庸漢
重韓吳之秩司勳載其洪烈典冊備其徽章山甫式列
辟之功紀績庸器莊叔匡成獻之難昭德彝鼎鴻名盛
業公實無馬公命代挺生膺期間出萬華峻極降惟岳
之上靈霜露所均體中和之秀氣寒松擢本且觀後凋
之質貞桂挺生便結冬華之秀固以辰昂膺慶風雲玄
感者焉公柔順內淑英華外發斧藻仁義珪璋令範危
勁之節貫四序而踰秀堅真之操經百鍊而無銷加以
建蒙射法遠中戟枝養由箭神遙穿懸葉巧極將軍之
伎精窮校尉之官及年踰艾服任崇台哀甲第當衢傳
呼啓路不以寵貴驕人每以卑謙自牧易簣之言無忘
寢瘼城郭之志終於瞑目銘曰珠角膺期山庭表德出
忠入孝自家刑國人物冠冕彛彛章表則任屬屯警官聯
樞侍行部六條議班三吏逝水詎停光陰不借遽辭逆
旅俄悲恒化旌舒夏練棺陳衛幕北郭人稀西山
景落三千不見九原誰作銘茲鼎鼎永傳嵩霍

太尉司徒司空第二

叙

齊職儀云皆古官也

應劭云自上安下曰

尉魚豢曰太尉掌武事古者兵獄官皆以尉為稱尉尉也言兵獄羅罽也言兵獄羅罽奸非又應劭云徒衆也

司徒主人衆也空穴也司空主上古者穴居主穿土為穴以居人也堯時舜為太尉舜時

契為司徒禹為司空古亦為三公之職其後常以太尉

與大司馬迭置不兩立

有大司馬則不置太尉歷代皆然

周以太師太

傅太保為三公以大司馬大司徒大司空與大司寇大

冢宰大宗伯為六卿至西漢末師傅保之官崇其號為

上公以大司馬大司徒大司空為三公後漢初省大司

馬立太尉與司徒司空為三公

皆除大字

歷魏晉宋齊之後

常然至後周又依周禮以師傅保為三公五代史志云

隋又以太尉司徒司馬為三公歷代皆開府置官屬唐

廢府寮事對上司

亞獻

東觀漢記曰楊震字伯起為太尉性忠誠每諫爭中常侍

樊豐等譖之收印綬歸本郡震到洛陽都亭謂門生曰吾蒙恩居上司奸臣狡猾而不能誅寵嬖傾亂而不能

禁何面目以見日月遂飲鴆而死續漢書曰太尉郊廟掌亞獻大喪告謚南郊

統兵

掌武

續漢

書云太尉一人掌四方兵事課功勳歲盡則殿最而行賞罰馬又漢書曰太尉秦官也掌武事

匪石

斷金

應劭漢官曰沛帝冊書太尉趙峻二世掌樞衡有匪石不二之心又曰三公國之楨幹朝廷取正以

成斷金大司農李固公族之
苗忠正不撓其以固為太尉
兩鹿 **三鱣** 謝承後漢書

淮太守行春有兩白鹿隨車夾轂而行弘怪問主簿黃
國鹿為吉凶賀曰聞三公車轡畫作鹿明府當為宰相

弘後果為太尉范曄後漢書曰楊震字伯起嘗客於湖
外不答州郡禮命數十年衆人謂之晚暮而震勵志愈

萬後有鵜雀街三鱣魚飛集講堂前都講取魚進曰凡
鱣者鄉大夫之服象也數三者法三台也先生自此昇

矣後位 **畫鹿轡** **飛鵲印** 畫鹿轡見上博物志云常山
至太尉張顗為梁相天新雨後有鳥

如鵲飛翔稍下墮地人取化為一圓石顗推破之得金
印文曰忠孝侯印顗表上聞藏之祕府顗漢靈帝時至

太尉 **保皇家** **安劉氏** 摯虞隴西王泰為太尉冊曰惟君
行為時表親則宗臣論道經邦保

又皇家是用進登上台漢書云上曰周勃 **主九伐** **齊**
重厚少文然安劉氏者必勃也可為太尉

七政

謝靈運晉書曰秦有太尉掌兵漢仍修之或置或省是故司馬之官主九伐之職汝南先賢傳曰陳

蕃拜太尉

讓曰齊七政訓

歎黃憲

舉蔡謨

謝承後漢書曰陳蕃

五兵臣不如議郎王暢

拜太尉臨朝歎曰黃憲若在不取先佩印綬

晉置屏風

書邨鑒字道徽進祿太尉疾篤舉蔡謨自代

賜錦被

謝承後漢書曰鄭弘字巨君為太尉去將弟五倫為司空班位在下每正朔朝見弘曲躬

自卑帝知遂置雲母屏風分陽之由此以為故事又朱

寵字仲威為太尉食脫粟飯卧布被朝廷賜錦被梁肉

皆不敢當已

邦教

地征

周禮大司徒之職乃立地官司徒使帥其屬而掌邦教以

佐王安擾邦國鄭玄注云所以親百姓訓五品也擾亦

安也又曰以土均之法辨五物九等制天下之地征鄭

玄注曰均平也五物五土所生之物也九等驛剛赤

緹墳壤渴澤賦瀉勃墳填壚強藥輕嬰之屬征稅也

五

禮六樂

周禮大司徒之職以五禮防萬民之偽而教之中鄭玄注禮所以節止人之侈偽使其得

注曰樂所以正人之情思使其心和度地辯土周

大司徒之職凡建邦國以土圭土其地而制其域注曰土其地備言度其地又曰以土宜之法辨十有二土之

名物注曰十有二土分野十有七政五教常璩華陽

建武之後羣儒修業開案圖緯漢之宰相當出坤鄉於是司徒李公屢登七政太傅于堅奕代論道尚書帝曰

契百姓不親五品不遜汝作司徒敬敷夢松取穗張

五教在寬注曰五常之教務在寬也吳錄曰丁固為司徒初為尚書夢松樹生其腹上謂人

曰松字十八公也後十八年吾當為公手遂如夢馬范

照後漢書曰蔡茂字子禮建武二十年代戴涉為司徒

臭

象籌

司馬彪九州春秋曰靈帝賣官廷尉崔烈入錢五百萬以買司徒烈子鉞字孔平亦有時

未茂跳取之得其中總輒復失之主簿郭賀離席慶曰大殿者官府之形象也極而有未人臣之上祿也取其秩也衰職有闕君具補之旬月而茂徵馬辟賀為掾銅名烈問曰吾作公天下人謂何如對曰大人少有高名不謂不當為公今登其位海內嫌其銅臭烈舉杖擊之均走烈曰子受父撻而走可謂孝手均曰舜之事父小杖則受大杖則走不陷父於不義烈曰爾以吾為慧賈耶又王隱晉書曰王戎代王渾為司徒常以象牙籌晝夜計家財遠及田牧性又至儉不能善自奉養飲食通財不出外天下謂之膏肓疾

明七教

修六禮

禮記曰司徒明七教以興民德又曰司徒

修六禮以節民性

敷五典

齊八政

尚書曰司徒掌邦教敷五典擾兆民注云敷布也主

國教化布五常之教以安和天下之衆民也
禮記曰司徒齊八政以防淫已上見司徒事
別五土

決九州

家語孔子為司空乃別五土之性而物其所生
之宜魚泰典畧曰禹為司空披九山通九澤次

九州使各以其職來貢
地方五十里至于荒服

作地圖

掌邦事

王隱晉書曰
裴秀字季彥

為司空作禹貢地域圖事成奏上藏於祕府為時名公
禮記曰司空執度度地鄭玄曰司空冬官卿掌邦事也

通九澤

居四民

通九澤見九州注尚書曰司空掌邦
土居四民時地利注曰冬官卿主國

空土以居士農工商四
民使順天時分地利也

造宮室

平水土

鄭玄注考工
記司空掌營

城郭建邦邑立社稷宗廟造宮室車服器械監百工唐
虞以上曰共工尚書曰四岳僉曰伯禹作司空帝曰俞

咨禹汝平水土惟
時懋哉注懋勉也

李通識

王梁符

華嶠後漢書曰李
通字文元以識記

說先武為大司空又曰王梁字居嚴拜大司空赤伏符曰王梁主衛作玄武上以野王本衛地徙玄武水神司空水土之官於

是擢拜梁也

赤伏符

素絲節

華嶠後漢書曰王梁為野王令赤伏符曰

王梁主衛作玄武武水神司空水土之官於是擢梁拜大司空晉起居注曰武帝詔鄭哀曰體行純正履道冲粹退有清和之風進有素絲之節宜齊

三階之曜補哀職之闕其以哀為司空

諸政化

勸

德風

荀或家傳曰顗為司空文帝平蜀議復五等表魏朝使公定禮儀中護軍賈充正法律尚書僕射裴

秀議官制公遂刑定舊文行正式為一代之典書成奏上歲於祕府其服色旗幟法駕之式禮樂犧牲柴燎之典祔禘遷毀配食之制及於明堂辟雍之儀皆公所議定朝廷歸其美公既為台輔德望清重加以留心禮教以年者多疾不數朝見詔使侍中任愷諮問政化所宜行否又華嶠後漢書第五倫雖峭直然常以中興已來

二主好更化俗尚苛刻政化之本宜先以寬和及為三公值章帝長者多恕屢有善政倫上疏褒稱盛美因以勸成德

數月超

百日至

漢書曰朱博字子元以京兆尹數月超為大司空范曄後

漢書曰荀爽固辭徵聘不得已乃贊晉孫綽賀司空循行起家百日至司空已上司空事

像讚

思文公侯誕保休祥素質玉潔華藻金章總角韞德被褐韜光自昔喪亂鉦鼓日震禮樂藏器詩書

蒙塵哲人遐慨垂幙澄神仰觀洙泗揚波絕津方曜金鉉協贊衡機昊天不弔曾不慙遺指紳顏範皇德莫毗

公之云

後漢崔駰太尉箴

天官冢宰庶察之率師錫有帝命虞作尉爰叶

華裔同悲
台極是平國域制軍詰禁王旅惟式九州用綏羣公咸治干戈載戢宿躔其紀上之云據下之云戴苟非其人戮我帝載昔周人思文公而召南詠甘棠昆吾崇夏伊摯嘉尚季葉頗僻禮用不匡無曰我強莫余敢喪無曰

我大輕戰好殺討師百萬卒又司徒箴天鑒在下仁德是興乃立司徒

亂茲黎蒸茫茫庶域率土祁祁民具爾瞻四方是維乾

乾夕惕靡怠靡達敬敷五教九德咸事嗇人用章黔吐

是富無曰爾惇忘于爾輔無曰余聖以忽執政匪用其

良乃荒厥命庶績不怡疚于爾祿豐有折肱而鼎覆其

鍊書歌服肱詩刺南山尹氏不堪漢揚雄司空箴普波坤靈倅天作則

國度斯憊徒臣司農敢告執蕃分制五服劃為萬國乃立地官空惟是職茫茫九州都

鄱盈區網以羣牧綴以方侯烈烈雋又翼翼王臣臣當其官官宜其人九一之政七賦以均昔在季葉班祿遺

賢培克充朝而象恭滔天匪人斯力匪政斯救流貨市寵而苞苴是嚮王路斯燕孰不傾覆空臣司土敢告在側章宋謝莊北中郎謝兼司

徒章

臣聞變理陰陽寅亮天地不惟其官無人則闕司徒掌教五典職授兆人豈悟乾靈罔遁光渥方闡

不次之任殊絕藩岳豈可權尸三
事假備六符慙震周迴顧步交悖
碑後漢蔡邕楊太尉

碑銘曰

天監有漢誕生元輔代作三事勲在王府乃及伊公克光前矩悉心畢力脩其祖武化洽羣生

澤雷區宇

墓誌梁沈約齊太尉文憲王公墓誌銘曰

德備九官功包十亂

帝國必舉王猷借煥斯謂國楨是惟民幹朝邦禮園優游文館祕義烟涵環解雨散揆路揚輝台庭改觀方翊升平燮茲天綱福履每冠降年多爽微言永謝庶察誰仰

尚書令第三事尚書秦置也

尚書曰龍命汝作納言詩云仲山甫出納王命王之

喉舌並尚書之任也周官有司會鄭玄注若今尚書耳天文志斗魁六星曰文昌宮荀綽云尚書是謂文昌天府也蕭望之云尚書百官之本後漢李固上書云國家有尚書猶天有北斗主為喉舌斟酌元氣

漢官

云初秦代少府遣吏四人在殿中主發書故號尚書尚
猶主也漢因秦置之

漢猶隸少府魏晉已後
政歸臺閣則不復隸矣

故尚書為

中臺謁者為外臺御史為憲臺謂之三臺齊職儀云魏

晉宋齊並曰尚書臺五代史志云梁陳後魏北齊隋則

曰尚書省唐龍朔二年更名中臺咸亨初復為尚書省

光宅初更名文昌臺長安初又為中臺神龍初並復舊

為尚書省案尚書令秦官漢因之漢官云漢初並用士

人為尚書令秩二千石

至漢武帝別置謁者令用宦者
遂省尚書官成帝罷中書官更

以士人為尚書令而總
為臺主主贊奏典綱紀

又東漢與司隸校尉御史中丞

皆專席坐京師號曰三獨坐也晉公卿禮秩云尚書令

拜則冊命薨則於朝堂發哀五代史百官志云尚書令

至梁加秩中二千石

漢官云尚書令秩千石公為之增至二千石秦漢秩有比二千石二千石

中二千石真二千石凡四等比二千石月得粟百石二千石月得粟百二十石真二千石月得粟百五十石其三等雖號二千石其數實不至也唯中二千石月得粟百八十石率一歲得二千一百六十石中猶滿也言其滿二千石

然則古三石唯今一石耳

至陳加品至第一其後並因之而不改

自魏

已來尚書令品並第三

事對中臺上省

中臺見敘事十洲記曰崇禮門在東掖門內路

西即尚書上省崇禮門東建天府仙臺荀綽晉百官表注曰尚書

為文昌天府司馬彪續漢官志云尚書省在神仙門內上苑和劉尚書詩曰客館動愁光仙臺起寒霧天

閣禮闈宋元嘉起居注曰尚書左丞袁瑒啓領曹郎中荀萬秋每故事緣私遊肆其所之豈可復

參列士林編名天閣請免萬秋所居官李充懷愁賦曰在中秋之過夜今直崇禮之禁闈天臺畫

省傳玄荅卞壺詩序曰尚書左丞彈八座以下居萬事之會斯乃皇朝之司直天臺之管轄蔡質漢官典職

曰尚書奏事於明光殿省司會文昌周禮天官司會之職鄭玄注曰

會大計也司會主天下之大計計官之長出納詔命

若今之尚書矣文昌事已見天府注中

通掌圖書

漢官解詁曰尚書出納詔命齊衆喉舌司馬彪續書曰成帝建始四年罷中書官初置

尚書員五人一人為僕射分為四曹通掌圖
書祕記章奏各有曹任已上總載尚書都省
八座 三

獨

續漢書曰光武帝分增三公曹為二曹其一曹主歲
終考課諸州郡事改常侍曹為吏曹主選舉祠祀民

曹主繕修功作鹽池苑囿客曹主歲駕羗戎朝賀二十石
曹主辭訟中都官主水火盜賊與三公為六曹并令僕

二人謂之八座

專席

迴車

應劭漢官曰尚書令秦官
銅印墨綬司隸校尉御史

三獨見敘事

中丞尚書令皆專席生京師號曰三獨生言其尊重魏

文帝嘗幸至尚書門尚書令陳矯跪問陛下欲何之帝

曰欲集行文書耳矯曰此臣職分非陛下所宜臨也帝

聽迴車而返漢官云尚書官出百官寮皆迴車避也

黑輅

絳服

徐廣車服儀制曰尚書令輅車黑耳後戶
齊職儀曰尚書令品第三秩千石絳幘朝服

佩水
蒼玉方峻

博朗

續漢書曰陳蕃性方峻徵為尚書令
晉中興書曰刁協遷尚書令詔曰尚

書令協抗志高亮才

在位肅

舉朝憚

張璠漢記曰左

鑒博朗朕甚嘉之

年四十九試經然後舉孝廉故雄為今在位者各自爾

晉中興書曰卞壹為尚書令司徒王導稱疾不朝壹奏

導專任無敬事寢

納言憤

進賢冠

荀綽晉百官表注

不行舉朝憚壹

納言憤

進賢冠

曰尚書令銅印墨

綬五時朝服納言憤又曰尚

黑耳車

彤管珥

徐廣車

書令進賢兩梁冠佩水蒼玉

曰尚書令軺車黑耳後戶應璩新

明習故事

識了舊

典

東觀漢記曰樊淮字幼清為尚書令明漢家故事熊

朝之素望識了

文陳後主授江總尚書令冊文

夫文昌

舊典不應處外

會治經韋彪謂之樞機李固方之斗極況其五曹斯綜

百揆是諧同冢宰之司專臺閣之任惟爾道業標峻宇

量弘深勝範清規風流以為準的儒宗學府衣冠以為
領袖故能師長六官具瞻允塞明府八座儀形載遠其
端朝握揆朕所望焉往欽哉懋建
爾徽猷亮采我邦國可不慎歟

歲晉摯虞尚書令箴

明明先王開國承家作制垂憲仰觀列曜俯令百官政
用罔愆昔舜納大麓七政以齊內成外平而風雨不逮
山甫翼周靡剛靡柔補我哀職闡我王猷王猷允塞而
四海咸休雖曰聖明必賴良材無曰我智官不任能發
言如絲其出成綸三季道缺天網縱替既無老成改
舊法制法制不修不長厥裔尚臣司臺敢言侍衛

啓

隋江總除尚書令斷表後啓

司會化本冢宰朝端搢紳
所屬儀刑攸在皇世以來

無人則闕陛下將脩厥職用穆臣僚不容始自庸菲以
雖物議當今藩翰至戚不無其人廊廟重臣亦有其器
復願慎俞往之則闡平章
之道公心布歟有理存焉

僕射第四

叙

僕射秦官僕主也古者重武故官曹之長

主領其屬而習於射事也

漢書百官表曰自侍中尚書博士郎軍屯吏騶宰永巷皆

有僕射隨所領之事以為號若尚書則名曰尚書僕射

漢因秦本置一人至獻帝

以執金吾榮邵為尚書左僕射分置左右蓋始於此秦

漢秩六百石公為之增至二千石至梁加秩中二千石

自魏以來品第三至陳加品第二自魏晉以來省置無

恒置二則左右僕射或不兩置曰尚書僕射自東晉以

來祠部尚書多不置以右僕射主之若左右僕射並廢

則置尚書僕射以掌主左事置祠部尚書以掌右事然

則尚書僕射與祠部尚書不恒置矣

已上出齊職儀及五代百官志

唐

龍朔二年改左右僕射曰左右匡政咸亨初復舊光宅初改為左右相神龍初復舊開元初又改曰左右丞相

事對蒼玉

皂檐

晉百官表注曰僕射一人銅印墨綬五時朝服納言幘進賢冠佩水蒼玉

官品第三俸月四十五石東觀漢記曰鮪永字君長拜僕射行將軍事將兵安集河東永好文德雖行將軍常

皂檐路稱

排閤

曳履

鍾離意別傳曰意為尚書僕射其年匈奴來降詔賜縑三百疋

尚書侍郎暨鄴受詔誤以三十疋賜匈奴詔大怒鄴欲死意獨排省閤入諫明帝以合大義意損怒消帝謂

意曰非鍾離尚書幾誤降威於此郎漢書曰鄭崇字子游為尚書僕射數求見諫爭上初納用之每見曳革履

上笑曰我識清恪忠允先賢傳行狀曰毛玠字孝先鄭尚書履聲清恪忠允為尚書僕射在官清恪晉起

居注曰尚書高陽王珪忠攝百揆副端右謝靈運晉允善政以珪為右僕射

重武事貴射御取其捷御如僕各置一人尚書六人謂之八座參攝百揆出納王命古元凱之任也何法盛晉

中興書曰顧和為尚書僕射以老母固辭詔勅諭特聽暮出朝還其優遇如是尋朝議以臨端右之副不宜處

於外更加銀協宣庶績總統留事晉起居注曰太康青光祿大夫

置左右僕射所以恢演政典協宣庶績魏志曰桓範為徐宣為僕射後加侍中光祿大夫車駕幸許昌總統留

事帝還主者奏呈文書詔曰國之司直官之師長魏志

吾省與僕射何異竟不視

曰毛玠字孝先為尚書僕射時太子未定立臨苗侯植有寵玠諫曰近袁紹以嫡庶不分覆宗滅國廢立大事非所宜聞會玠起更衣太祖謂曰國之司直我之周昌又曰文帝時欲以賈詡為僕射曰尚書僕射官之師長天下所望詡名素

五遷

四辭

二龍雙驥

范曄後漢書曰胡廣字伯

始五遷尚書僕射王隱晉書曰荀顗代陳泰為僕射領吏部四辭而後受張詮南燕書曰慕容德以右僕射封嵩為左僕射尚書韓諱為右僕射時嵩諱並年三十又以嵩弟融為西中郎將諱弟軌為東中郎將嵩等俱拜帝臨軒詔令四人同入嵩等升殿方謝帝顧曰雖二龍於長衢雙驥於千里朝野榮之

詩梁任彦

昇出郡傳舍哭范僕射詩

平生禮數絕式瞻在國楨一朝萬化盡猶我故人情待時

屬興運王佐俟人英結徽三十載生死一交情攜手適衰華接景事休明運阻衡言革時泰玉階平瀟泝得茂

彦夫子值狂生伊人有涇渭非余揚濁清將乖不忍別
欲以遺離情不忍一辰意千齡萬恨生已矣平生事詠
歌盈篋筭兼復相嘲謔常與虛舟值何時見范侯還叙
平生意與子別幾辰經塗不盈旬弗覩朱顏改徒想平
生人寧知安歌日非君撒瑟
辰已矣奈何歎輟春哀國均任希古和左僕射燕公春

日端居述懷詩

豐野光三傑嬌庭贊五臣綈綈歌美譽
絲竹詠芳塵聖歷開環象昌年降甫中

高門非捨築華構豈垂綸鳳郎搏霄翰龍池躍海鱗玉
鼎昇黃閣金章謁紫宸禮闈通政本文昌總國均調風
振薄俗清教正彝倫星迴應綬管日御警寅賓葉上曾
槐變花發小堂春思挂東都冕言訪北山中赫赫容臺
上千祀

趙彥昭奉和悼右僕射楊再思詩

兩揆光天秩
三朝奉帝熙

耀平津
何言集大鳥忽此喪元龜坐歎公槐落
行間宰樹悲壑舟今已去寧有濟川時表陳徐陵讓左

僕射表

臣聞七十之歲揚雄擬經六十之年半津對策若斯強壯固無耆老臣勵則青華軒冕才允卿

相出納流譽朝野具瞻臣弘正國老儒宗情尚虛簡玄風勝業獨王當年臣重器懷沉密文史優裕東南貴秀朝廷親賢並見壯猷皆宜左執若漢武好少則微臣已老若周文愛老則有此羣才伏願天明更謀梓匠求其妙選稱陳江總讓尚書僕射表
藻鏡官方品裁人物門是能官驚如市不慙屋漏心抱如水無欺暗室但屢淹星鳥每知忝素世網拘束事歸僊俛今此召會尤增據蒞竊以端揆副職官稱師長革履升降傳呼寵赫儀刑朝首冠冕晏倫兼復叅綜衡流匡佐聖治妄膺重責必踐危機

諸曹尚書第五

市叙

諸曹尚書秦官也漢因之並用士人

武帝改用宦者成帝又改用士人

漢書云武帝遊宴後庭公卿不得入故用

官者典
尚書

置列曹尚書四員通掌圖書章奏之事各有其

任

一曰常侍曹二曰二千石
曹三曰民曹四曰客曹

光武分為六曹

分二千石
曹為二分

客曹為二改常
侍曹為吏部曹

并一令一僕射謂之八座魏有五曹與

二僕射一令謂之八座

魏有吏部左民客曹五
兵度支凡五曹尚書

晉有六

曹

晉初置吏部三公客曹駕部屯田度支六尚書太康
中有吏部殿中五兵四曹度支左民六尚書東晉有

祠部吏部左民度
支五兵五尚書

宋有六曹

宋加東都
官尚書

齊梁陳六曹

齊

名同
宋氏後魏北齊六曹

後魏北齊有吏部殿中
祠部七兵都官度支

後周依周

禮置六官尚書之任隋氏六曹

隋有吏部禮部兵部都
官度支工部開皇三年

改度支為戶部都官為刑部是也

唐六曹

初置民部餘同隋氏貞觀末改民部為度支尋復改為戶

部龍朔二年改尚書為太常伯改吏部禮部戶部兵部刑部工部為司列司禮司元司戎司刑司平則天后又

依周禮六官也

初宋齊梁陳四代復有起部尚書營宗廟則權

置畢則省

已上並漢官職儀及五代史百官志

事對再昇

周歷

謝承後漢

書曰魏朗字仲英入為尚書再昇紫微、審諤、禁省、不屈豪右為百寮所服以黨事免朗性矜嚴閉門整法長吏

希見動有禮序室家相待如賓子孫如事嚴君焉又曰蔡邕字伯喈以治書御史遷尚書三月之間周歷三臺

遷侍中

委珠

賜劍

謝承後漢書曰鍾離意字子阿明帝徵為尚書交趾太守坐贓伏法以資

物簿入大司農詔班賜羣臣意得珠璣悉以委地而不拜帝怪問其故對曰臣聞孔子忍渴於盜泉之水曾參

迎車於勝母之鄉忌其名也賦穢之寶不敢拜帝笑曰清手尚書賜錢三十萬東觀漢記曰章帝賜尚書劍各一手署姓名韓稜楚龍淵郅壽蜀漢文陳寵濟南鍛成一室兩刃其餘皆平劍其時論者以為稜淵深有謀故得龍淵壽明達有文章故得漢文寵敦朴有善於內不見於外故得鍛成劍皆因名而表意

白衣

文劍

後漢書曰鄭均字仲虞為尚書澹泊無欲以病乞骸骨終不肯起章帝車駕幸均舍勅賜尚書祿終

其身時人號曰白衣尚書文劍已見上

歷三臺

任七年

歷三臺見周歷注晉書杜預為

度支尚書在內七年損益

賜鍛成

封廣武

華嶠後漢書曰陳寵

萬事酬酢詰詬不可勝記字昭公以德行明敏入為尚書寵性周密常稱人臣之義苦不畏慎自在樞密謝門人不復教拒知友時賜寵劍得鍛成劍以其敦朴晉書曰張華為度支尚書決勝綠江地近萬里始羊祜謂所親曰終吾事者唯當華耳

卒如祐言封
廣武縣侯

酬酢諮諏

嘉謀良圖

酬酢諮諏見任七
年注晉書云山濤

轉尚書表辭才下年老詔曰方
今多事嘉謀良圖委以老成也

朱穆正直

黃琬方毅

謝承後漢書曰朱穆為尚書謨言正直
續漢書曰黃琬方毅廉貞為侍中尚書

詩宋顏延年直

東宮答鄭尚書詩

皇居體宸極設險祇天工兩關阻通
軌對禁限清風鼓子旅東館徒歌屬

南塘寢興鬱無已起觀辰漢中流雲霧青關皓月鑒丹
宮踞蹕清防密徙倚恒漏窮君子吐苦訊感物惻余衷

惜無丘園秀
景行彼高嵩

隋劉斌和許給事傷牛尚書詩

名臣不世
出百工之

所求况乃非常器遵逢興運秋符彩照千里銓衡綜九
流經綸資博物樽俎寄皇猷韶濩傾復理典禮素還修
雖貞棟梁任兼好藝文游財聞和鼎實行當奉介丘高
衡翻稅駕閱水遽還舟傳呼更何日曳履聞無由歸魂

魏脩路征棹艤邪溝林薄長風慘江
上寒雲愁夜臺終不曙遺芳徒自留
崔駢戶部尚書挽

歌詩

八座圖書委三臺章奏盈舉杯常有勸曳履忽無
聲市若荊州罷池如薛縣平空餘濟南劍天子署

高名制唐中宗授李承嘉戶部尚書制

門下紫極八座非
德勿居丹屏六曹

惟賢是擇金紫光祿大夫李承嘉靈襟峻嶷識宇嚴明
早聞通德之名夙有大臣之望雄材逐日共騏驎而齊
颺迅翼搏風與鵬鴻而並翥栢臺憲府高膺弄印之榮
芝甸神州獨著題輿之任堅同白玉直若朱繩臺閣風
生權豪氣懾洪材可重茂秩須崇
又授張錫工部尚書
宜加曳履之班式獎從樞之對

制

明光晝省務總樞要建禮仙門職惟喉舌尚書左丞
張錫白虹良寶紫電雄鋒家傳鵲印之祥世襲貂冠

之緒文過吐鳳思解騰蛟質映南金材逾東箭自提綱
左轄立帷中臺奏郭奕而無慙射在洪而不愧紫樞佇

俊彤管須賢宜升賜劔
之榮式表委珠之潔

歲後漢繁欽尚書歲

龍作納言
帝命惟允

山甫翼周實司喉吻赫赫禁臺萬邦所廷無曰我平而
慢爾衡無曰我審而怠爾明四岳阿諂績用不成虞登
八凱五教聿清舉涉其私乃忝服榮正直是與伊
道之經先人匪懈永世流聲君子下問敢告侍廷表梁

蕭子範為兄宗正讓都官尚書表

納言之授皇命所由
五星懸暉差池紫宮

之曲百官根本聯曹建禮之門孔蔡該博垂芳於兩京
陳鍾令才比肩於魏代
望前英俯循庸薄義無尸素
理絕
祇奉

吏部尚書第六

叙事

吏部尚書者初漢成帝置列曹尚書

四人其一曰常侍曹主丞相御史公卿事後漢初光武

改常侍曹為吏部曹主選舉齋祠事後漢末改為選部

曹魏代又為吏部曹專掌選職右於諸曹尚書至宋置

二吏部尚書尋復省一人

沈約宋書云初晉世散騎常侍選望與侍中不異其後職

任閒散用人益輕宋孝武欲重其選以吏部尚書任重遂分吏部置二人以輕其任蔡興宗謂人曰選曹要重常侍閒淡改之以名而不以實雖主意欲為輕重人心豈可變自漢及魏授此職者或

云吏部尚書若授諸曹尚書直云尚書

漢魏晉世若授吏部者即云以

其為吏部尚書若授他曹云某為尚書至晉宋齊已後始云某授工部刑部五兵度支等尚書耳

故歷

代職官之書皆別紀吏部尚書不與諸曹同今書做此

云

並出漢官職儀及五代史百官志

事對銓衡

品藻

何法盛晉中書曰吳隱之

字興

處

默少有孝行與太常韓康伯隣居隱之母亡每哭

伯

母輒泣涕悲不自勝既而語康伯曰汝後若居銓衡

之

職當用此人及康伯為吏部尚書因進用之遂歷清

望

又李重為吏部尚書歲序曰重忝曹郎銓管九流品

藻

清濁雖祇

題才

著箴

裴顗謝吏部尚書表曰臣少

慎莫知所寄

李重集曰重為選

曹箴置之左右以明審才之官

庭牧馬

閣聚書

王隱

曰鄧攸為吏部尚書當時清靜內外肅然牧馬於家庭

妻息素食不受一錢沈約宋書曰少帝即位蔡廓為吏

部尚書不肯拜乃以王惠代馬被召即拜

未嘗接客人有與書求官者輒聚於閣上

考簿世

調

門戶

習鑿齒晉陽秋曰初陳羣為吏部尚書制九格登

用皆由於中正考之簿世然後授任王隱晉書曰

王戎為左僕射領吏部尚書自戎居選未嘗進一寒素
退一虛名理一冤枉殺一直嫉隨其沉浮門調戶選好
營生廣收八方園田水碓周
遍天下聚斂積實不知紀極
清通簡要
祇慎廉平
劉義

慶世說曰王濬冲裴叔則二人總角詣鍾士季須臾去
後客問鍾曰二童是誰鍾曰裴楷清通王戎簡要後二
十年此二賢當為吏部尚書冀爾時天下無滯才又李
重選曹尚書箴序曰重忝曹郎銓管九流品藻清濁雖
祇慎莫知所寄虞預晉書曰盧欽字子若少好
學為尚書僕射領吏部清實選舉稱為廉平
箴晉傳

玄吏部尚書箴

明明王範制為九秩君執常道臣有定
職貴無常尊賤不恒卑不明厥德國用

顛危昔舜舉禹咎繇而俊入在官湯舉阿衡而不仁流
屏且表正而象平日夕而景側處喉舌者患銓衡之無
常不忠於不明故曰無謂隱微廢公任私無好自專違
衆取怨是以古之君子無親無疎縱心大倫修己以道

弘道以身易貴好爵書慎官人官不可妄授職不可開
受能者養之致福不能者獎之招咎衡臣司書敢告左

右表梁沈約為褚炫讓吏部尚書表

竊惟玄素未辨必
謬朱紫之察規矩

或昧理喪方圓之功東西兩漢左雄孤絕於前南北二
晉山濤莫嗣於後良由性藏於貌才隱乎心楚越無以
況其迴殊山川未足方其險阻雖復控暗為張纘讓
明勉愚生智亦何以登奇拔異離渭分涇

吏部尚書表

漢革民曹魏仍東掾毛孝先以清公見美
盧子若以貞固任職降及晉世希覩其人

樂彥輔雍容自守當時恨其寡譽山巨源意在拔奇不
免與世沉浮鄧攸牧馬家庭何益止競之操十壺如含
瓦石未聞檢裁之功陳江總讓吏部尚書表切以漢置五曹方今
六尚魏隆八座擬古

六卿近喻喉舌遠譬樞斗如東京許
郭西晉裴王仰首仲眉可得而論矣

左右丞第七

叙

尚書丞秦官也漢因之至成帝分置列

曹尚書四員便置丞四人至光武減其二唯置左右二

丞丞承也言丞助令僕總理臺事尚書令與左丞總領

紀綱僕射與右丞掌稟假財穀魏晉以來左丞得彈奏

八座故傳咸云斯乃皇朝之司直天臺之管轄是也

宋書

百官志曰晉宋之世左丞主臺內禁令宗廟祠祀朝儀
禮制選用署吏糾彈不法右丞掌臺內庫藏廬舍凡諸
器用之物及刑獄兵器自漢魏以來品皆第六秩四百石梁加品

第四秩六百石

出齊職儀及五代史百官志

唐龍朔二年改為左右

肅機咸亨初復舊事對紀綱

管轄

蔡質漢官典儀曰尚書左丞凡臺中

紀綱皆無所不總又傳咸答辛贍詩序曰尚書左丞彈

八座以下居萬機之會斯乃皇朝之司直

司直

準繩司直見管轄

余前為左丞具此職之要後

公讚曰許奇字子泰為尚書左丞有準繩操

解交

增秩

漢官儀云漢制八座丞郎初拜並集

都座交禮還又解交續漢書云黃香拜尚書左丞功滿當遷和帝詔留增秩後拜尚書遷僕射

百寮憚

三臺清

王隱晉書曰郡丞始為尚書郎轉左丞在朝為百寮所憚後坐泄事免又曰劉恢字長升

為尚書左丞正色在朝

彈八座

肅三臺

彈八座見管轄注肅三臺

三臺清肅出兼中丞

見三臺

奏郭奕

彈崔洪

王隱晉書曰傳成為尚書左丞時尚書郭奕咸故將也累

辭疾病不起復不上朝又自表妹薨乞出臨喪詔書聽
許咸舉奏之又曰郡統為尚書左丞推奏吏部尚書崔
洪洪曰舉說丞而還奏我此謂挽弩自射說曰趙宣子任
韓厥為司馬而厥以軍法戮宣子之僕崔侯為國舉才我
以才見舉唯官是視各明至公何故

掌威儀 主財用

其言乃至於此也洪聞而悅服之

續漢書百官志曰左丞掌錄尚書吏人上章百官威
儀漢官典儀曰右丞與僕射掌稟假錢穀諸財用

詩

梁沈約和左丞庾杲之移病詩

歲暮豈云聊參差憂與疾匪幹孰能賜持身固

無述握蘭空盈把待漏終不溢囂喧滿眼前簿領紛盈
膝安用談天辨徒勞夢賜筆挂冠若東都山林寧復出

侍郎郎中員外郎第八

叙

案侍郎隋煬帝置也郎

中秦官也員外郎隋文帝置也初西漢置尚書郎

四人

一人主匈奴單于營部一人主羌戎吏民
一人主戶口墾田一人主錢帛貢獻委輸光武

分尚書為六曹每一尚書則領六郎凡三十六郎焉

秦初置郎中令

領諸郎之在中書者而為之
令長也漢武改名光祿勳

其屬官有

三署

五官中郎將左中郎將
右中郎將凡三署也

署中有郎中侍郎無員多

至千人分隸三署主執戟侍宮殿出則充車騎漢因之

郎中秩比三百石侍郎比四百石以其為郎
居中故曰郎中以其為郎內侍故曰侍郎

漢官云尚

書郎初從三署郎選詣尚書臺試每一郎缺則試五人

先試牋奏初入臺稱郎中滿歲稱侍郎故郎中侍郎之

名猶因三署本號也

西漢言郎者多非尚書郎唯田蚡少為諸曹郎是也其文帝時馮唐

為郎中署長直不疑盜同舍郎金武帝時顏驄為郎三世不遷成帝時揚雄為侍郎及諸言以貲為郎父任為郎皆三署郎至東漢猶難分有尚書及曹名冠首者自即尚書郎直言為郎亦三署郎魏以後即無三署郎

漢以來尚書諸曹郎中侍郎或不兩置

或惟置郎中或唯置侍郎然二

者亦通為尚書郎

後漢兩置有郎中侍郎魏晉宋齊後魏北齊

惟有郎中梁陳兩置有郎中侍郎

五代史志云梁尚書郎初入臺稱郎中功

高者轉為侍郎陳氏依梁制案前代郎中侍郎兩置者

侍郎今郎中之任郎中即今員外郎之任若唯置郎中

亦今郎中之任

隋文帝開皇初唯置侍郎

亦尚書郎也隋氏韓中不置郎中唯置侍

郎為尚書郎尋又每曹置一員外郎煬帝各於六尚書曹置

六侍郎增品第四以貳尚書之職今六司侍郎其諸曹侍郎

直曰郎除侍字曹別置二郎尋又每曹省一郎而加承務

郎一人當開皇員外之職唐又改為郎中又依開皇每

曹置一員外郎隋室諱中故直稱郎唐初復曰郎中以

事對應宿華嶠後漢書曰館陶公主為子求郎覩天不許賜錢十萬明帝謂羣臣曰郎中

上應列宿非其人則民受其殃王隱晉書曰樂廣為尚

書郎與何晏郎等談構術唯見而奇之曰常恐微言

將絕今復聞之命諸子造馬謂曰此人之水起草題

鏡也每見此人瑩然猶披雲霧而覩青天也

柱

漢官儀曰尚書郎主作文書起草晝夜更直五日於建禮門內三輔決錄注曰田鳳字李宗為尚書郎容

儀

端正入奏事靈帝日送之因

趨墀

伏省

應劭漢官儀曰尚書

題柱曰堂堂手張京兆田郎

郎含難舌香伏奏事黃門郎對揖跪受故稱尚書郎懷香握蘭趨走丹墀摯虞三輔決錄曰馮豹為尚書郎每

奏事未報常伏省闕下或自昏

持被護衣

持被見伏省注中應

至明天子默使人持被覆之

助漢官儀曰尚書郎入直臺廟中給女侍史二人皆選

端正妖麗執香爐香囊燒薰蕝水服奏事明光殿省省

中皆以胡粉塗

覆錦

含香

蔡質漢官典職曰尚書郎給青練白綾被或以錦被

壁丹朱漆地

無雙

第一

東觀漢記曰黃香知古今記羣趨墀注中

氣鍾律歷算窮極過街京師號曰天下無雙江夏黃童京師貴香襲其聲名更饋衣物拜尚書郎司馬彪續漢

書曰胡廣字伯始舉孝廉試為天下第一旬月拜尚書郎

三年五日

蔡質漢官典職云尚書郎

初從三署詣臺試初上臺稱守尚書郎中滿歲稱尚書郎三年稱侍郎又曰尚書郎夜更直五日於建禮門內

給清縑白綾被或以錦被

哀烏位

明時郎

漢書天文志曰南宮十五星曰哀烏郎位故明帝云郎官

上應列宿即此也漢官儀云郎見左右丞對揖無敬稱曰左右君丞郎見尚書執版對揖稱曰明時郎

更直建

禮

入奏明光

更直建禮見上起草注入奏明光見上獲衣注

兼理兩曹

奏

事三世

續漢書曰胡伯始旬月拜尚書郎兼理兩曹轉左丞又曰徐昉為尚書郎性惟周密畏慎在臺

閣典職十年奏事三世未嘗有過

詩晉陸機贈尚書郎顧彥先詩

朝遊之曾

城夕息旋直廬迅雷中霄激驚電光夜舒玄雲拖朱閣振風薄綺疏豐注溢修甯潢潦浸階除停陰結不解通

衛化為渠沉稼湮梁顙流民所
荆徐春言懷桑梓無乃將為魚
梁沈約悼齊故吏部郎

謝朓詩

吏部信才傑文鋒振奇響調與金石諧思逐風
雲上豈言凌霜質忽隨人所往尺璧爾何克忽

此同丘壤唐蘇味道在廣州聞崔馬二御史並拜臺郎詩

振

齊飛日邊驚遠聽聞明光共待漏清覽各披雲喜得廊
廟舉嗟為臺閣分故林懷栢悅新握阻蘭薰冠去神羊
影車迎瑞堆犀遠從
南斗外遙仰列星文
沈佺期酬蘇味道玄夏晚寓直省

中詩

並命登仙閣分宵直禮闈大官供宿膳侍史護朝
衣卷幔天河入披庭月露微小池殘暑退高樹早

涼歸冠劍無時釋軒車待漏
飛明朝題漢柱三署有光輝

表梁陸倕拜吏部郎表

銓

庶品歷選名實阮咸貞素屢薦未登陸亮忠心裁居殿職
白非李重清識李穀恬正則何以區分管庫式鑒胥史

中書令第九

叙事

中書令漢武所置出納帝命掌尚書奏

事蓋周官內史之任

周官內史掌王之八柄

初漢武遊宴後庭公

卿不得入始用宦者典尚書通掌圖書章奏之事

初泰代少

府遣吏四人在殿中主發書謂之尚書尚猶主也漢由之初用士人武帝改用宦者

其後遂罷尚

書改置中書謁者令盡用宦者故沈約宋書百官志云

中書本尚書官是也謝靈運晉志云以其總掌禁中書

記謂之中書漢武時司馬遷被腐刑之後為中書令則

其職也漢書不言謁者史省文也

其官本名曰中書謁者令漢書直云遷為

中書今是史省文也宣帝時弘恭生腐刑累遷為令明
留文法勢傾內外然恭死石君房亦生腐刑代為令

至成帝置尚書官改中書謁者令所掌非盡權要舊任

也

蓋直為禁中宦者之職非掌朝廷要事也

故謝靈運晉書云漢成帝已後

無復中書之職是也東漢初亦無其官至獻帝時魏武

為魏王置祕書令此又中書之任也

以其中書通掌圖書祕記之事故以

祕書為名

魏文改祕書令為中書令以祕書右丞孫資為中

書令魏晉以來皆置一人品第三妙選文學通識之士

為之掌王言江左更重其任多以諸公兼之

古者宰相本是三公

至魏晉中書令掌王言才望既重多以諸公兼之近世以來若三公無其人則闕而中書令當宰輔之任近

世始專其職隋文帝改為內史令置二人

隋室諱中依周官改為內

史漢武置中書有令有僕射宣帝時弘恭為令石君房為僕射恭死石代為令至魏武置祕書令魏文改祕書令左丞為中書令又置監一人當僕射之職首以祕書右丞孫資為中書令左丞劉放為中書監歷晉宋齊梁陳北齊後魏皆置中書監位在

煬帝改為內書令

已上並出

漢官及齊職儀并五代史百官志

唐初又為內史令武德三年復為中

書令龍朔二年改為西臺右相咸亨初復舊光宅初改為鳳閣內史神龍初復舊開元初改為紫微令五年復

舊事對龍池

雞樹

十伯玉中書郎詩曰大方信包含
優渥遠不已躍鱗龍鳳池揮翰紫

宸衷郭頌魏晉世語曰劉放孫資共典樞要夏侯獻曹
肇心內不平殿中有雞棲樹二人相謂此亦久矣其能

復幾指謂中書監西掖右曹劉楨贈徐幹詩曰誰謂
劉放中書令孫資相去遠隔此西掖垣所

限清切禁中情無由宣應劭漢官儀曰左右曹受尚書
事前世文士以中書在右因謂中書為右曹又稱西掖

紫宸

清禁

紫宸見龍池注
清禁見西掖注

西省

內樞

何法盛晉中
興書曰范甯

拜中書侍郎專掌西省宋泰始起居注曰王言之職總
司清要中將軍丹陽尹王景文風尚弘簡情度淹粹忠

規茂績實宣國道宜兼管
內樞以重其任可中書令

掖垣

綸閣

劉楨詩誰謂相
去遠隔此西掖

垣所限清切禁中情無由宣禮記曰王言如絲其出如
綸王珉直中書詩云高閣臨雲日險岑仰天居又中書

職掌綸詰前代
詞人因謂綸閣
雞棲樹
鱗躍池
雞棲樹見雞樹注
鱗躍池見龍池注已上

總載中
書省
專車
奪池
曹嘉之晉記曰中書監令常同車
入朝至和嶠為令而荀勗為監嶠

意強抗專車而坐乃使監令異車自此始也又曰荀勗
自中書監還尚書令人賀之勗曰奪我鳳皇池何賀之

有
陽坐
奕世
吳錄曰紀騰字子上景皇時騰父亮為
尚書令騰為中書令每朝會詔以屏風

陽其生宣城記云陽以雲母屏又晉陽秋曰王獻之為
中書令獻之少而標邁不循常賁為一時風流之冠獻

之卒以王珉為中書令世謂之大王令小王令也珉
父洽又嘗為此官珉復繼之時人以為奕世令望
望

士
勝會
檀道鸞晉陽秋曰溫嶠上疏曰臣才短學淺
文疏不通中書之職酬對無方斟酌輕重豈

唯文疏而已自非望士良才何可妄居斯任累辭而止
又王獻之少而標邁不循常賁而撮其勝會故為中書

今
典詔命

宣國道

沈約宋書曰傅亮永初元年為太子詹事中書令直中書專典詔命

宋泰始起居注曰二年詔曰王言之職總司清要丹陽尹王景文夙尚弘簡情度淹粹忠規茂績實宣國道可

中書

參時務

典史書

王珉別傳曰珉字季琰詔曰王珉才學廣瞻義理精通宜處樞

近以參時務其以珉為長史兼中書令晉

立為頌

共講

文

崔鴻後趙錄曰徐光字季武頓丘人幼有文才年十

左右以白勒勒令召光付紙筆光立為頌賜衣服遷為中書令何法盛晉中興書曰王洽字敬和明帝曰敬和

清才貴令昔為中書郎吾時尚小數呼見意甚親之今以為中書令共講文章

貴幸傾朝尊

寵任職

漢書曰石君房與弘恭皆少坐腐刑為黃門以選為中尚書宣帝時任中書官以恭為令君房

為僕射恭元君房代為令貴幸傾朝百寮皆敬
才學廣
事又曰司馬遷腐刑之後為中書令尊寵任職

瞻文旨清遠

才學廣瞻見恭時務注檀道鸞晉陽秋
曰肅祖欲以溫嶠為中書令手詔曰卿

以今望忠允之懷著於周旋且文清
意性調美
情度
而旨遠宜居機密今以卿為中書令

淹粹

薛瑩條列吳事曰胡冲意性調美心趣解暢有刀
筆閑於時事為中書令雖不能匡矯亦自守不苟

求容媚情度淹粹見宣國道注

表宋謝莊讓中書令表

臣聞壁門天遠
鳳沼神深絲綸

王言出納帝命自非望允當時舉宣痺塾未有謬承曲
寵空席茲榮在於平壯猶不可免况今綿痼百志俱淪

中書侍郎第十

叙

中書侍郎魏官也案環濟要畧曰中

書有令僕射丞郎謂西漢時也又案衛宏漢舊儀曰漢

置中書領尚書匈奴營部一郎民曹一郎謁者一郎此則中書郎已聞漢代記傳無明文莫知廢置之由矣沈約宋志云魏文帝黃初初中書置通事郎次黃門郎黃門郎已署過通事乃署名帝省讀書可晉改通事郎為中書侍郎蓋此始也

案魏志明帝詔舉中書郎謂盧毓

姓不可嗽也毓舉韓暨帝用之又司馬宣王辟王伯興擢為中書侍郎亦明帝時據此中書侍郎起魏代沈約

宋書云晉改似謬也

東晉又改為通事郎尋復為中書郎以後因

之案隋初改中書省為內侍省隋末改為內書監唐初

又改為內史省龍朔二年改為西臺光宅初改為鳳閣

開元初改為紫微其侍郎各因臺閣改易為名

若鳳閣則名鳳

閣侍郎其舍人

事對躍池

入室

卡伯玉赴中書郎詩曰躍麟龍鳳池何法

盛晉中興書曰王濛字仲祖恬暢能言名理善隸書與

劉懷為中書郎太宗輔政濛懷並數侍捷對每為入室

之賓懷字真長少清峻時人以

專掌無對

何法盛晉中興書曰

范甯字武子少好學多所通覽拜中書郎專掌西省居

職多所獻替有益政道王濛別傳曰濛為中書侍郎四

年無對又遷司徒左長史少選

軌制

書檄

何法盛晉中興書曰

孔演字元舒晉國建興庾亮俱補中書侍郎于時中興肇建庶事革創演經學博通又練悉舊典朝儀軌制多

所取正馬由是元明二帝親受之又松氏世
家曰松舍為中書郎書檄雲集初不立草

至行直

言

魏志曰明帝詔舉中書郎吏部尚書盧毓曰得其人
與否在盧生耳毓舉韓暨有至行帝用之晉中興書

曰范甯拜中書侍郎時烈宗雅好文學而明習五經
甚見親愛朝廷擬議輒諮訪之甯指朝士直言無諱鍾

表十詩

郭頌魏晉世語曰司馬景王命中書郎虞松
作表再呈不可意令松更定之經時竭思不

能改心存形色中書郎鍾會察有憂色問松松以實對
會取草視為定五字松悅服以呈景王景王曰不當爾
耶松曰鍾會也王曰如此可大用真王佐才也

五字

片言

五字見鍾表注陸士衡轉中書侍郎齊王收士衡
付廷尉士衡出後謝表曰臣以職在中書制命所

出而臣本以筆札見知慮逼迫不獲已乃詐發內
妹喪出就弟雲哭泣受吊片言隻字文不問其間難以

比肩

肅然改容

難以比肩見無對注中宋書裴瓚字國寶風神標邁為中書侍郎出入禁

門見者肅然改容

詩唐太宗餞中書侍郎來濟詩

暖暖去塵昏

蓋指河梁雲峯衣結千重葉雪岫花開幾樹芳深悲黃鵠孤舟遠獨歎青山別路長聊將分袂雪襟淚還用持

席觴

魏劉公幹贈徐幹詩

誰謂相去遠隔此西掖垣所

沉心曲長歎不能言起生火次第一日三四遷步出北

寺門遙見西苑園細柳夾道生芳塘含清源輕葉隨風

轉飛鳥齊謝玄暉直中書省詩

紫殿肅陰陰彤庭赫弘

何翩翩露掌玲瓏結綺錢深沉映珠網紅藥常階翻蒼苔依砌

上菰言翔鳳池鳴珮多清響信美非吾室中園思偃仰

朋情以鬱陶春物方駘蕩梁沈約悼故中書侍郎王融

安得凌風翰聊恣山泉賞

初學記

十一

詩

元長秉奇調弱冠慕前蹤眷言懷祖武一簣望成峯
塗艱行易跌命外志難逢折風落迅羽流恨賦青松

唐魏知古春夜寓直鳳閣懷羣公詩

拜門傳漏晚寓省索
居時昔重安仁賦今

稱伯玉詩駕池滿不溢難樹久
逾滋夙夜懷山甫清風詠所思

韋承慶直中書省詩

清

風皇池扶疎難樹枝唯應集鸞鷟何為宿羈雌大造乾
坤闊深恩雨露垂鵬鵬既含養駕駘亦驅馳木偶翻為
用芝泥忽濫窺九思空自免五字本無施徒喜逢千載
何階答二儀螢光向日盡蚊力負山疲禁宇庭除闕閒
宵鍾箭移暗光臨戶發殘月下簾欹白髮隨身改丹心
為主披命將時並泰言興行俱危寄謝登巢客堯年復
在表梁庾肩吾為寧國公讓中書郎表
臣聞陟彼太行
伯后之車屢急
望茲吳坂少游之馬難躋是知美非流水立致摧轅駿
靡浮雲便期頓轡起登天漢寧培九萬之風生濟星橋

非使千年之翼豈有幻稱辨慧足對元禮弱標俊穎
能嘲子叔玉重組長空見休寵深宮遠宇執知懷憂

中書舍人第十一

叙事

環濟要畧云舍人古官也

周禮地官有舍

人上士二人舍猶宮也掌宮中之政出庫分財列仙傳
曰琴高趙人善鼓琴為宋康王舍人也史記李斯為秦
宮舍人漢書高祖起豐沛周勃傅亮樊噲皆以舍人從
酈食其亦以舍人知宮內事然則中書舍

人晉官也自漢置中書無聞其職魏世中書始置通事

一人掌呈奏魏明時有通事劉泰是也高貴鄉公時改

為通事都尉尋又改為通事侍郎晉初置舍人一人通

事一人至東晉合舍人通事二職謂之通事舍人自晉

宋以來唯掌呈奏宣王言甚用事至梁用人殊重多以

尊官兼領並入閣內始專掌中書詔誥

自魏晉詔誥皆中書令中書侍

郎掌之至梁始舍人為之裴子野嘗以鴻臚卿兼領通事舍人

其後除通事二字直曰

中書舍人陳及北朝皆因之掌制詔

陳及後魏又別置通事舍人掌宣奏

北齊唯置中書舍人兼掌宣奏隋又別置通事舍人專掌宣奏

隋及唐皆隨臺省為名

並內史省則曰內史舍人云

並出齊職儀及五代史百官志

事對忠慎

儒素

晉中興書曰劉超字世踰遷中書舍人時臺省初建內外多事起出納書命以忠慎稱理身清

苦衣不重帛又曰徐邈字景山以東州儒素性好學尤善經傳烈宗始覽典籍招延禮學之士後將軍謝安舉

應選補中書舍人專在西省撰正五經音訓學者
宗之每預顧問輒有獻替多所補益烈宗甚愛之
預

顧問

多補益

預顧問及多補益並見上儒素注中

出書命

善經傳

出書

命見忠慎注中善

掌文法

主呈奏

荀勗集曰晉武帝時門下啓令史伊

美趙咸為中書舍人對掌文法勗奏以為不可百官志

曰魏初中書置通事一人主呈奏晉初中書又置舍人

一人至東晉合通事及舍人二

合二職由四戶

合二職見

主呈奏注蕭景暢齊書云永明元年焚惑入紫微時中

書通事舍人四人各注一戶謂之四戶既總重權勢傾

天下會玄象失度太史奏云宜修福禳之太尉王儉謂

帝曰天文平忤此由四戶仍具舍人王文明等名奏之

至梁除通事二字直曰中

詩唐上官儀酬薛舍人萬年

書舍人掌文翰猶兼呈奏

初學記

三十三

宮晚景寓直懷友詩

年奕奕九成臺窈窕絕塵埃蒼蒼萬

光歛餘煦清切丹禁靜浩蕩文河注留連窮勝託風期

揆善謔東望安仁省西臨子雲閣長嘯披煙霞高步尋

蘭若銅狄掩通門雕鞍歸騎喧餘對明張文琮和楊

月制豔促芳樽別有青山路策杖訪王孫

舍人詠中書省花樹詩

華萼映芳叢參差間早紅固風時落砌離雨乍浮空影照鳳池

水香飄難樹風豈不

徐彥伯贈劉舍人古意詩

女牀閣

愛攀折希君懷袖中

章世所希巢君碧梧樹舞君青瑣闌或言鳳池樂撫翼

更西飛鳳池環禁林仙閣霧沉沉城題激流水珠綴綿

清陰郁穆帝言重焚煙台座深風張丹祀關月弄素琴

音雙彩結不散孤英跂莫尋浩歌在西省經傳逸潛心

初學記卷十一

欽定四庫全書

初學記卷十二

唐 徐堅 撰

職官部下

侍中第一

敘事

侍中古官也黃帝時風后為侍中周時號

常伯周公立政篇戒成王常伯常任以為左右是也秦

取古官置侍中之職

應劭漢官云侍中周官以其周曰常伯故曰周官班固漢書云侍中

秦官以其秦取古官復置之故曰秦官其實古官

初秦置侍中本丞相史也丞

相使史五人來往殿內奏事故謂之侍中漢因之以

為加官

漢書公卿表曰侍中散騎中常侍所加或列侯將軍卿大夫言此第官兼加侍中也初漢本用

舊儒高德備切問近對然貴遊子弟及倖臣榮其官至襁褓受寵位服綺襦紵袴漢初籍孺閎孺皆冠鵷鷖冠

貝帶傅脂粉張辟强年十五霍去病年十八並為侍中漢官云侍中冠武弁大冠

亦曰惠文冠

漢書云昌邑王賀冠惠文音義云惠文今侍中所著

加金璫附蟬為

文貂尾為飾謂之貂蟬

侍中服之則左貂常侍服之則右貂董巴與服志云金取堅剛

百鍊不耗蟬取居高飲清貂取內勁悍外溫潤本趙武靈王之制秦始皇破趙得其冠以賜侍中

西漢

無常員多至十人

齊職儀云漢侍中掌乘輿服物下至執器虎子之屬武帝代孔安國為侍

中以其儒者特聽掌御唾壺朝廷榮之初漢侍中親省起居故俗謂執虎子虎子襲器也至魏文帝時蘇則為侍中嘗與則同隱吉茂者是時仕甫歷縣令見則調之曰仕進不止執虎子

東漢初無常員

齊職儀云東漢侍中便蕃左右與帝升降法駕至靈帝出多識者一人參乘兼負傳國璽操斬白蛇劍

時侍中舍有八區論者因言員本八人

獻帝起居注曰初置侍中六人

出入禁中近侍帷幄省尚書奏事據此漢末未或省員

魏侍中置四人

齊職儀云魏侍中掌

宿贊大駕出則次直侍中護駕正直侍中負璽陪乘不帶劍皆騎從御登殿與散騎侍郎扶帝侍中居左

常侍居右備切問近對拾遺補闕也

晉宋齊梁陳置四人

齊職儀及五代史志云自晉宋

齊梁魏陳侍中並與三公叅國政直侍左右應對獻替法駕出則正直一人負璽

後魏北齊置

六人

五代史百官志云北齊侍中因後魏置六人掌獻納諫正及進御之職參與諸公論國政也

後

周初依周禮天官府置御伯中大夫武帝改御伯為納

言亦侍中之任宣帝末又別置侍中為加官隋文帝改

侍中為納言置二人煬帝改為侍內

隋室諱中故改避之

唐朝復

為侍中龍朔初為東臺左相咸亨初復舊光宅初改為

納言神龍初復舊開元初改為黃門監五年復舊

門下省自

晉以來名之唐朝三年改為東臺光宅初改曰鸞臺開元改為黃門省

事對玉署

瑣闥

漢書曰李尋字子長通尚書哀帝初即位召尋待詔黃門使侍中傳喜問尋尋對曰位卑術淺偶隨眾賢待詔

反汚玉堂之署漢官儀侍中有玉堂署衛宏漢舊儀曰黃門郎屬黃門今日暮入對青瑣闥拜名夕郎爾雅曰

宮中門黃樞青闥盧諶宣徽賦曰鄭山潛於谷口揚謂之闥黃樞朝隱於黃樞諶注曰揚雄為黃門

郎三葉不徙官散騎常侍范雲與王東寺左曹漢官儀曰中書詩曰攝官青瑣闥遙望鳳皇池

尚書令侍中上東西寺及侍中寺又曰左右曹受尚書事沈約宋書曰漢使左右曹諸吏分掌尚書奏事光武

省諸吏信小黃門受事前代文畫室丹地漢官儀曰士皆謂門下為左曹亦曰東寺

石黃門有畫室署畫室署長一人玉堂署長一人蔡質漢官曰尚書奏事於明光殿省中皆胡粉塗壁其邊以

丹漆地故尚書郎舍雞舌香伏其瑣闥玉堂瑣闥見下奏事黃門侍郎對揖而跪受

中玉堂見玉署注掌壺負璽孔叢曰孔臧與子琳書曰侍中安國羣臣近見

崇禮不供藝事猶復掌御唾壺朝廷之事莫不榮之環濟要略曰侍帷幄受顧問拾遺於左右大駕出則負璽

以從小珠闕金蟬相書占氣如連珠雜要曰氣色如則參乘連珠入闕門為侍中漢官曰侍中

周官也金蟬右貂金取堅剛百鍊不耗蟬居高食潔口在腋下八舍七車八舍見叙部著舊傳曰蜀郡張寬字叔文漢武帝時為侍中從祀

甘泉至渭橋有女人浴於渭水乳長七尺上怪其異遣問之女曰帝後第七車者知我所來時寬在第七車對曰天星主祭祀者齋戒不嚴則女人見抱劍

伏茵漢官曰侍中殿下稱制出則參乘佩璽抱劍漢舊儀曰侍中左右近臣見皇后如見帝見婕妤行則

對壁坐賜綬引裾後漢書曰卞鴻字公永永平中詔徵賜綬綬拜侍中魏畧曰辛毘遷侍

則伏茵中於時帝欲徙燕州戶十萬實於河南毘曰陛下不以臣不肖置之左右安得不與臣議帝不答起入內毘隨

臣不肖置之左右安得不與臣議帝不答起入內毘隨

而引其裾帝七葉三代三輔故事曰金日磾字翁叔封秬侯有忠勤之節七葉侍

中東觀漢記曰馮魴字孝孫父遊鸞渚舍雞香遊鸞渚見

子兄弟並帶青紫三代侍中遊鸞渚下傳咸詩應劭漢官曰侍中刀存青蒲伏綠車載漢

年老口臭上出雞舌香使舍之曰史丹為侍中元帝寢疾丹以親密近臣得視疾候上

間獨寢時丹直入卧內頓首伏青蒲上應劭注曰以青規地曰青蒲漢書曰衛尉金敞疾甚成帝拜敞子涉為

侍中使綠車載送衛尉注曰綠車皇孫車所以寵之言衛尉常清顯侍帷幄管喉脣戴逵竹林七賢論曰山

在朝尊貴曰清風淳履思心通遠宜侍帷幄謝綽宋拾遺曰王華

王曇首殷景仁劉湛四人宴飲從朝至夕帝甚歡華既出太祖目送之歎曰此四賢一時便繁左右從容諷

議應劭漢官曰侍中周官也便紫左右與帝升降卒思

張衡拜侍中恒居帷幄詩西晉傳咸贈何劭王濟詩并

序朗陵公何敬祖咸之從內兄國子祭酒王武子咸從

同生義則師友何公既登侍中武子俄而亦拜二賢相

得甚歡咸亦慶之然自恨聞劣雖願共縑繼而從之未

爾日月光太清列宿曜紫微赫赫大晉朝明明闕皇闕

吾兄既鳳翔王子亦龍飛雙鸞游蘭渚二離揚清暉携

手升玉階並坐侍丹帷金璫燬惠文煌煌發令姿斯榮

世所欽縑縑情所希豈不企高蹤麟趾邈難追臨川靡

芳餌何為空守城枯槁待風飄逝將與君違違君能無

戀尸素當言歸歸身蓬華廬樂道以忘飢進則歲後漢

無云補退則恤其私但願隆弘美王度曰清夷

胡廣侍中箴

皇矣聖上神居天處勤求俊良是弼是輔匪懈於位庶工以序昔在周文創德西隣

勗聞上帝賴茲四臣辛尹是訪八虞是詢濟濟多士义用有勲文公欽若越興周道亦惟先正克慎左右常伯常任實為政首降及厲王不祗不恪睽彼榮夷用肆其虐惟敗天命冠戎並作圯墜宗緒寢廟靡託無曰我賢不選至親無曰我仁妄用嬖人籍閔飾顏穢我神武鄧通擅鑄不終厥後中書竊命石弘作禍高安斷袂哀用無主侍中司表梁王筠為從兄讓侍中表至如元勲舊中敢告執矩

表梁王筠為從兄讓侍中表

至如元勲舊儒之胃積德

累仁之家九代七葉之華相韓事漢之貴不然則子駿之學洞古今平子之思倖造化仲宣之辯識無滯次仲之解經不窮然後可以喻旨公卿問對帷宸陪六尺之輿通四方之意求之微臣此遂頓隔任昉為

王思遠讓侍中表

行則六尺之內陪接天光上則服璽申命誠信區寓獻可替否出納惟幾

敷奏於金華之上進讓於玉堂之下金遷七貴之茂王
粲二公之孫雖復中蔚孤緒元卿末裔未有不階人譽

妄承

曲私

黃門侍郎第二

敘事

案黃門侍郎秦官也漢因之無常員

董巴漢書曰禁門曰黃闥中人主之故號黃門令矣然

則黃門郎給事於黃闥之內入侍禁中故號曰黃門侍

郎

劉向戒子歆書曰今若年少得黃門侍郎要處也李尋董賢並為黃門侍郎成帝遣張禹歸第於牀下拜

禹小息亦為黃門侍郎

應劭曰黃門郎每日暮向青瑣門拜謂之

夕郎齊職儀曰初秦又有給事黃門之職漢因之

漢書云揚

雄劉向並為給事黃門

至東漢初并二官曰給事黃門侍郎後又

改為侍中侍郎尋復舊自魏及晉置給事黃門侍郎四

人與侍中俱管門下衆事與散騎常侍並清華代謂之

黃散焉宋齊置四人

齊職儀云齊代侍中呼為門下給事黃門侍郎呼為小門下

五

代史志云梁陳置四人至煬帝減二員去給事之名直

曰黃門侍郎

隋氏用人並重裴矩裴蘊為之皆知政事

唐朝因之事對夕郎

夜拜

夕郎見叙事東觀漢記曰馬防之子鉅為常從小侯六年正月齋中官其一日甲子上欲冠鉅

乃夜拜為儀表

珪璋

東觀漢記曰鄧閭字李昭遷黃門侍郎于時國家每有災異水

早聞側身暴露憂懼顯頽形於顏色公卿以下咸高尚焉漢興以來為外戚儀表王隱晉書曰顧榮少有珪璋

符米朗澈仕吳弱冠舉賢良為黃門侍郎當時後進盡相推謝稱榮有大才令望

侍講著詩

魚豢魏略曰董遇字季直獻帝時為黃門侍郎朝夕侍講焉天子甚愛信魏高貴鄉公集曰幸華林賜羣臣酒

酒酣上援筆賦詩羣臣以次作二十四人畫成圖書不能著詩授罰酒黃門侍郎鍾會為上

壞本王隱晉書曰張華為黃門侍郎博覽圖籍千門萬戶畫地成圖任嘏別傳曰嘏字昭先魏文以嘏為

黃門侍郎每納忠言輒書壞本自在禁省歸書不封帝嘉其淑慎如此

二子並拜三代

不徙桓階別傳曰階為尚書令文帝幸見諸子少子元禪上搏手曰長者子元禪是日拜二子為黃門侍

郎漢書曰王音薦揚雄待詔歲餘為給事黃門成哀平三代不徙

入拜青瑣對揖丹

墀

上見叙事下具侍中事對丹地注

恂恂可觀

軒軒得志

漢書曰馮參字叔平

以昭儀少弟為人矜嚴好修容儀進止恂恂可觀也
傳子曰王黎為黃門郎軒軒然得志煦煦然自樂詩

魏知古和鸞臺楊侍郎春夜寓直鳳閣懷羣公詩

拜門傳漏

晚寓省索居時昔重安仁賦今稱伯玉詩駕池注不溢雞樹久逾滋風夜懷山甫清風詠所思制唐中

宗孝和皇帝授韋嗣立黃門侍郎制

絳衣近侍秩亞貂蟬青瑣崇班職參

駕駕實神化之有寄信賢才之攸重通議大夫韋嗣立忠規奕葉孝緒蟬聯家匡玄鸞之朝人輔彤雲之代芝

蘭並秀見謝砌之階庭麒麟齊驅有劉山之昆季入光振驚譽滿三臺出據憑熊聲流十部近者命茲鸞渚已

擢鴈行纔出芸局奄歸蒿里永言荆樹坐折連枝眷彼恒山空餘一鳥俾遵榮於阜葢宜襲寵於黃樞

給事中第三敘事漢官云給事中秦官也漢因之無常員

皆為加官

所加或大夫博士議郎兼加之掌顧問應對位次中常侍

漢儀注給事中

曰上朝謁平尚書奏事以有事殿內故曰給事中齊職

儀云東漢省其官魏晉宋齊並置無常員皆隸集書省

齊職儀云齊給事中皆隸集書省與諸散騎同掌侍從左右獻給省諸文奏北齊依後魏置

六十人後周天官府置給事中士六十人隋文帝門下

省置給事二十人

除中字國諱掌陪從朝直

煬帝改名給事郎

減置四員

掌省讀案奏

唐又曰給事中龍朔二年改為東臺舍人咸亨

初復舊事對顧問

侍從

顧問見叙事注胡伯始曰給事掌侍從左右無員位次侍

中常侍名儒

茂親

胡伯始曰給事常侍從左右無員位次侍中中常侍或名儒或國親漢東

方朔中郎為給事中劉履素

立德

晉起居注曰武帝太康七年詔曰郎

中張建忠篤履素為江表士大夫所稱宜在中朝其以建為給事中王隱晉書曰任熙字伯遠立德邈然徵拜

給事中

潔行

俊才

王隱晉書曰陳劭字節良泰始六年詔曰燕王師劭清貞潔靜行著邦旅

荀綽兖州記曰袁準字孝尼有俊才泰始中拜為給事中

明經

效車

范曄後漢書曰鄭眾字仲

師以明經拜給事中傅玄子曰馬鈞字德衡為給事中與高堂升平泰朗爭論於朝言及指南車二子云無此

記虛耳鈞曰虛爭空言不如試之效矣

詩唐沈佺期自考工員外拜給事

中詩

南省推丹地東曹拜瑣閣惠移雙管筆恩降五時衣出入宜真選遺逢每溢飛器慙公理拙才謝子

雲微案牘遺常禮朋儕隔等威上台行揖讓中禁動光暉旭日千門起初春八舍歸贈蘭聞宿昔談樹隱芳菲

省躬知任重寧止冒榮非又訓楊給事廉見贈省中詩

子雲推辨博公理擅詞雄

始自尚書省旋聞給事中言從溫室祕籍向瑣閣通顧我叨郎署慙無章奏工分曹八舍斷解袂五時空宿昔叨餘論平生賴擊蒙神仙應東掖雲霧限南宮忽枉瓊田贈長歌蘭渚宮

散騎常侍第四

敘事

案散騎常侍本二官皆秦置也漢官

云秦置散騎又置中常侍

散騎騎從傍乘輿車後獻可替否中常侍得出入禁中常

侍左漢因之兼用士人無常員多以為加官

所加或列侯將軍卿

大夫兼加之原其所置二職皆舊儒骨鯁以備顧問與侍中同元帝時劉向累遷散騎常侍與蕭固大儒同侍左右是也後雜伍貴遊子弟班伯成帝時為中常侍與王許子弟為羣在綺襦紈袴之中

皆銀璫附

蟬為文貂尾為飾謂之貂璫

常侍服之則左貂中侍服之則右貂

東漢省

散騎之職而中侍改用宦者無常員殤帝改施金璫齊

職儀云魏文帝復置散騎之職以中常侍合為一官除

中字直曰散騎常侍置四人典章表詔命手筆之事晉

置四人隸門下

又領員外散騎常侍無員魏末年又有通直散騎常侍四人晉武泰始十年使

二人與散騎常侍四人同置自魏至晉散騎常侍散騎侍郎與侍中黃門侍郎共平章尚書奏事江左乃罷之

又有員外散騎侍郎無員晉武所置又有通直散騎侍郎
四人晉太興元年元帝使二人與散騎侍郎通員直故謂
之通直散騎侍郎凡六散騎馬晉初此官選望甚重與侍中不異自宋

以來其任閒散用人益輕

宋孝武大明年舉選此侍中而人情久習終不見重尋復

舊別置集書省領之齊氏因之

言掌圖書文翰之事故曰集書省其領諸散騎

同晉氏

五代史百官志云梁陳集書省置散騎常侍四人

後魏北齊集書省置六人具領諸散騎並同晉氏

隋文廢集書省徙諸散騎入

門下省唐初並廢六散騎以為散官貞觀初唯置散騎

常侍二人隸門下顯慶初又置二人隸中書並金蟬左

右珥貂

侍中與左散騎則右貂世謂之八貂馬

龍朔二年改

為左右侍極

在中書曰右侍極在門下曰左侍極

咸亨初復舊事對參乘

挾帝

王隱晉書曰鄭默字思元為散騎常侍武帝出南郊侍中以陪乘詔曰使鄭常侍參乘齊職儀

云魏氏侍中掌儀贊大駕出則次直侍中護駕正直侍中負璽陪乘不帶劍皆騎從帝登殿與散騎常侍對挾

帝侍中居左

插貂璫

賜牀帳

魏略曰散騎常侍比於侍中貂璫插右黃初中

始置四人出入侍從與上談議不典事晉起居注曰太康七年詔曰尚書馬翊忠亮在公歷職內外勤恪匪懈

而疾未差屢求放退其以卿為散騎常侍賜錢二十萬牀帳一具

掌規諫贊詔命

魏志

曰文帝延康元年置散騎常侍為一官省中字置四人與侍中同掌規諫華嶠集詔曰散騎以從容侍從承答

顧問為職又掌贊詔命平居獻替答顧問晉起居注曰升平五

年詔曰前西中郎謝方才義簡亮宜居獻替其以為散騎常侍答顧問見贊詔命注中夾乘輿

侍廊廡應劭漢官曰秦及漢置散騎中常侍各一人官並無員散騎馬夾乘輿車獻可替否環濟要略

曰散騎常侍入侍左右入侍左右與上談議入侍左右見侍

廊廡注魏略曰散騎常侍比侍中貂璫插右黃初中始置四人出入侍從與上談議不典事後遂以為加官

表梁任昉為范雲讓散騎常侍吏部尚書表夫銓衡之重關諸崇

替遠惟則哲在帝猶難漢魏以降達識繼軌雅俗所歸唯稱許郭齊季陵遲官方弛亂草創惟始義存改

作恭已南面責成斯在豈宜妄加寵私以隳王事附蟬之飾空成寵章求之公私授受交失近代侯者功緒參差

或足食關中或成軍河內或盛德如卓茂或師道如桓榮四姓侍祀已無足紀五侯外戚且非舊章而臣之所附唯在恩澤臣去歲冬初國學之老博士耳今茲荀夏將亞台司雖千秋之一日九遷荀爽之十旬逮至方之微臣未為速達臣雖無識唯利所視至於虧名損實為國為身知其不可不敢妄為陛下不棄管蒯愛同絲麻儻平生之言猶在聽覽宿心素志無復二辭矜臣所乞特廻寵命則典章載穆微臣知免

諫議大夫第五

敘事

案諫議大夫秦官也齊職儀云初秦

置諫議大夫屬郎中令無常員多至數十人掌論議

漢武

改郎中令為光祿勳

漢初不置至武帝始因秦置之無常員皆名

儒宿德為之隸光祿勳光武增議字為諫議大夫置三

十人屬光祿勳魏依漢氏晉宋齊並不置五代史百官志云梁陳亦置北齊依後魏集書省置諫議大夫七人隋門下省置七人唐因之減置四人龍朔二年改為正

諫議大夫神龍初復舊事對清慎

諒直

司馬彪續漢書曰周舉字

宣光梁商表為從事中郎商疾甚帝問遺言對曰臣從事中郎周舉清慎高亮可任諫議大夫謝承後漢書曰傳翻字君成轉諫議大夫天

方正

忠審

漢書曰孔光字子夏經學

性諒直數陳諫言武帝嘉之尤明匡衡舉孔光方正為諫議大夫謝承後漢書曰虞承字叔明拜諫議大夫雅性忠審在朝堂犯顏諫爭終不曲撓散祿賑給諸生言德無比

論得失

陳讜言

漢書王吉字子陽為諫議大夫是時

宮室車服甚盛外戚貴寵吉上疏論得失上以其迂闊不甚寵異謝承後漢書曰傳翻字君成轉諫議大夫天性諒直數陳諫
乘高車 止靈臺
東觀漢記曰郭丹字少卿從師長安買符言武帝嘉之

入函谷關乃慨然而嘆曰丹不乘使者車不出此關既至京師嘗為都講更始二年為諫議大夫持節歸南陽自去家十三年果乘高車出關三輔決錄曰第五詡字子陵為諫議大夫洛陽無主人鄉里無田宅寄止靈臺中或十
天子納善 好事從遊
漢書曰貢禹字少翁元日不炊

虛已問以政事是時年穀不登禹奏言宮室制度從儉省天子納其善言又曰揚雄字子雲以耆老久次轉為諫議大夫以疾免復召為諫議大夫家素貧嗜酒人稀至其門時有好事者載肴酒以從遊學
持節南

陽 作賦東觀

持節南陽見乘高車注常璩華陽國志曰李尤字伯仁賈逵薦尤有揚雄之才

明帝召入作東觀辟雍德陽
諸觀賦銘遂拜諫議大夫
召入作賦從幸為歌入

作賦見東觀注中漢書曰王褒字子淵為諫議大夫
褒從微所幸之宮觀為歌頌諫者以為淫靡不急
歲

後漢崔寔諫議大夫
歲
於昭上帝廼茲既哲匪于水鑒
惟人是察處有誦訓出有放責

木鐸之求爰納道人各有攸訊政以不紛昔在大禹拜
承昌言癸辛暴戾虐及於天逮於周厲慢德不黜照煦
胥讒人謗乃作不顧厥愆是討是格庶類不堪流之疑
宅防人之口譬諸防川豈不連止潰乃潺湲潺湲尚塞
言壅為賊默然之患用顧
厥國諫臣司議敢告有翼

御史大夫第六
事案御史大夫秦官也
應劭曰侍御之
率故曰大夫周

官宗伯之屬有御史掌贊書注曰御侍也進也戰國以
為糾察之官兼典史官秦趙會渑池各領御史監察御

史置大夫以領之

漢因之掌副丞相九卿高第者拜之其任職

者轉為丞相至成帝改曰大司空

漢書曰何武建言依古置三公官改御史

大夫為大司空改丞相為大司徒與大司馬為三公也

哀帝復為御史大夫尋復

改曰大司空歷後漢因之至獻帝時魏武為魏王復置

大夫魏文黃初初復省置之歷晉宋之後咸因之並以

中丞為臺主

已上並見漢官及齊職儀

至隋氏復置大夫

五代史百官志云隋

室諱中置大夫省中丞

唐朝因之龍朔二年改大夫為大司憲咸

亨初復舊事對署梓

列柏

衛宏漢舊儀曰御史大夫寺在司馬門內門無扁題

署用梓板不起郭邑題曰御史大夫寺漢書曰朱博為御史大夫其府列柏樹常有野烏數千棲宿其上晨去

暮來號曰憲臺法冠謝靈運晉書曰漢官尚書為中朝夕烏臺御史為憲臺謁者為外臺是

為三臺自漢罷御史大夫而憲臺猶置以丞為臺主中丞是也漢官儀曰侍御史周官也為柱下史冠法冠一

名柱後以鐵為柱言其鞏固不撓常清峻也絳駟白簡沈約宋書曰顏延之

丞何尚之與延之書曰絳駟清路火精霜簡黃石公白簡深劾取之仲容或有虧耶

法曰煥感火之精御史之象主禁令刑罰收捕糾正崔篆御史歲曰簡上霜凝筆端風起漢書孫寶謂侯文曰

今鷹隼始擊以副相次卿漢書曰御史大夫秦官掌成嚴霜之威副貳丞相應劾漢官曰御

史大夫本秦官也位次上卿青綬蒼佩漢書曰御史大夫秦官也位次上卿銀印青綬佩水

蒼玉侍御之率 刀筆之吏

漢書公卿表曰御史大夫秦官也應劭曰侍御之率故稱

大夫漢帝集曰武帝作柏梁臺詔羣臣二千石有能為七言者乃得上坐御史大夫曰刀筆之吏臣執之無

以易堯

莫敢難錯

史記曰齊人方與公謂御史大夫周昌曰君之吏趙堯年雖少奇士

也君其必異之是代君位昌笑曰刀筆之吏安能至是及昌相趙高祖以御史大夫印弄之誰可以為者視趙堯曰無以易堯遂拜之又曰晁錯遷為御史大夫請諸侯有罪過則削其地收其版郡奏上上令公卿列侯宗室集議莫敢難錯獨實

奏去副封

涕對具獄

漢離記事曰故

事上書為二封其一曰副領尚書者先發一副封有不善屏去不奏魏相為御史大夫奏去副封以防壅蔽漢書曰張歐為御史大夫上具獄事可者却之不可者不得已為涕泣面而封之其愛人若此年老請免天子

亦寵以上大夫
祿歸老于家

請造白金

願罷滄海

漢書張湯為御史大夫承上指

請造白金與五銖錢籠天下鹽鐵排富商大賈又曰公孫弘為御史大夫時又東置滄海北置朔方之郡弘諫以

為罷弊中國以奉無用之地
願罷滄海專奉朔方上許之

飾詐釣名

舞文輔法

漢書

曰汲黯謂上曰公孫弘位在三公俸祿甚多然為布被此詐也上問弘弘謝曰有之夫三公為布被誠飾詐以釣名今臣弘位為御史大夫九卿以下無差誠如制言又曰張湯為御史大夫舞文巧詆以輔法

制唐

中宗授楊再思檢校左臺大夫制

避車要秩非德靡升
專席雄班惟賢是屬

侍中楊再思衣冠舊齒廊廟宏材寒暑不易其心始終弗虧其度在明時而有立居暗室以無欺投水陳謨邁漢朝之三傑霑沙作相掩虞日之五臣森乎抱松柏之心凜乎實冰霜之氣佇因猷替兼肅權豪宜分務於驚

局俾効能
於烏署

又授蘇珣右臺大夫制

烏臺峻秩望總鐵冠
蒼珮崇班威高石室

誠副相之榮級實次卿之通任前岐州蘇珣詞吞楚澤
量湛黃陂既光大厦之材堪入巨川之用西京展驥道

掩題輿右輔憑熊風起露冕朱帷霧撤初
停州縣之勞白簡霜凝宜屏權豪之氣

御史中丞第七事

欽案御史中丞秦官也掌貳大夫漢因

之御史大夫本有兩丞其一曰御史丞一曰御史中丞

謂之中者以其別在殿中掌蘭臺祕書外督部刺史內

領侍御史受公卿章奏糾察百僚休有光烈至成哀間

改大夫為大司空而中丞更名御史長史出外為臺主

光武復曰中丞與尚書令司隸校尉專席而坐京師號曰三獨坐獻帝權置大夫而中丞不省魏初罷大夫改

中丞名官正復為臺主尋又改曰中丞晉宋之後並因

之

已上並見漢官及齊職儀

後魏書官氏志云後魏改中丞為中尉

五代史百官志云北齊又改為中丞隋室諱中省中丞

增持書御史之品以代之

案持書侍御史者本漢宣帝時路溫舒上書宜尚德緩刑

帝深采覽焉季秋後請獻時帝幸宣室齋居而決事令侍御史二人持書故曰持書侍御史後因別置冠法冠

與符璽郎共平理廷尉奏事其後歷代並置之至隋增品代御史中丞之職唐朝初因之貞觀末省之唐

初因之貞觀末省持書侍御史又置中丞龍朔二年改

為司憲大夫咸亨初復舊事對專席 分路續漢書云傳宣邦御

史中丞與司隸校尉尚書會同並專席而坐故京師號曰三獨坐魏氏春秋曰故事御史中丞與洛陽令相

遇則分路而行以丞石室蘭臺環濟要略曰御史中丞有石室以藏祕書

圖識之屬漢官儀曰御史中丞二人本御史大夫之丞其一別在殿中兼典蘭臺祕書外督部刺史內領侍御

史受公卿章奏糾舉劾案章休有烈光漢書曰御史中丞二人本

御史大夫之丞其一別在殿中舉劾案肅內外分黑

白傳宣列傳曰宣為御史中丞明法直繩內外震肅甚有威風漢書曰薛宣字貢君宣為中丞執法殿中

總部刺史郡國二千石所賤
退稱進白黑分明由是知名
無迴避
不吐茹
續漢書曰馬嚴

字威卿拜御史中丞賜冠幘衣服車馬嚴舉劾案章申
明舊典奉法察舉無所迴避百僚憚之王隨晉書曰熊

遠字孝文遷御史中丞中宗每歎其公忠謂遠曰
卿在朝正色不茹柔不吐剛忠亮至勁可謂王臣
奏彈

夜警

法鞭儲傳

晉中興書曰王恬字元愉為御史中丞值海西公廢太宗即位未解嚴大

司馬桓溫屯中堂夜吹警角恬奏劾大不敬請治罪明日溫見奏事歎曰此兒乃敢彈我真可畏也梅陶自序

曰余居中丞曾以法鞭皇太子傳親友莫不致諫余笑而應之堂高由陛皇太子所以崇於上由吾奉王者法

吾其枉道曲媚乎後皇太子將見延請賜以清讌於是太子禮敬之如師
周處正繩
陳謙

奉法

王隱晉書曰周處字子隱為御史中丞奏征虜將軍石崇大將軍梁王彤等正繩直筆權豪震肅續

漢書曰陳諫字伯諫拜御史中丞執
憲奉法多所糾正為百寮所敬也
詩隋江總贈孔中

丞與詩

我行五嶺表辭卿二十年聞
駕欲動詠披霧即
依然疇昔同寮案今隨年代
改借問藏書處唯

君故人在故人名官高清簡
肅權豪誰知懷九歎徒然泣
二毛箴晉傅咸御史中丞箴

百官之箴以箴王闕余承先
君之蹤竊位憲臺懼有忝
累垂翼之責且造斯箴以自
勗勵不云自箴而云御史

中丞箴者凡為御史中丞欲
通以箴之也煌煌天文衆
星是環爰立執法其暉有
煥執憲之綱秉國之憲鷹揚

虎視肅清遠慢審審匪躬是
曰王臣既直其道爰
顧其身身之不顧孰有弗震
邦國若否山甫是明

焉用彼相莫扶其傾淮南構
逆實憚汲生赫赫有國可
無忠貞憂責有在繩亦必直
良農耘穡勿使能植無禮
是逐安惜翅翼嗟爾庶寮名
敬乃職無為罰先無怙厥
力怨及朋友無慙於色得罪
天子內省有慙是用作箴

惟以
自勅

侍御史第八

殿中監察御史附

事侍御史秦官也

漢官云老子為周柱下史

張蒼秦時為御史主柱下方書侍御史之任也

漢因之署十五人魏八人晉九

人宋齊十人梁陳九人後魏北齊隋八人

出漢官及五代史百官志

殿中侍御史魏置也初魏蘭臺遣二御史居殿中伺察

非法故曰殿中侍御史晉宋齊置二人梁陳置四人後

魏置十四人北齊置十二人隋初改曰殿內侍御史煬

帝省之

出齊職儀及五代史百官志

監察侍御史隋置也晉置檢校

御史掌行馬外事宋齊梁陳並省之後魏北齊復置十
二人隋改檢校御史為監察御史蓋亦取秦監察御史

之義以名之

出五代史百官志

事對豸冠

鐵柱

胡廣漢官儀曰御史四人

持書皆法冠一名柱後一名獬豸獬豸獸名知人曲直
觸邪佞漢官曰侍御史周官為柱下史冠法冠一名柱
後以鐵為柱言繡衣白筆漢書曰王賀字翁孺武帝
時為繡衣御史逐捕羣盜

其審固不撓

繡衣

白筆

漢書曰王賀字翁孺武帝
時為繡衣御史逐捕羣盜

魏略曰帝嘗大會殿中御史簪白筆側階而坐上問左
右此為何官何主左右不對辛毗曰此謂御史舊時簪
筆以奏不法今者避馬埋輪續漢書曰桓典字公雅
為侍御史是時宦官亂
直備官但眊筆耳
政典執政心無所迴避常乘驄馬京都畏之為語曰行
行且止避驄馬御史又曰張綱字文紀遷侍御史漢初

選八使巡行風俗八使同日拜謂之八彥皆宿儒要位
唯綱年少官微受命各之部而綱獨埋車輪於洛陽都

亭曰豺狼當路安問狐狸遂奏大橫劍持戟續漢書
將軍梁冀兄弟罪惡京師震悚曰種暉

字景伯順帝時為侍御史監護太子承光宮中常侍高
梵受勅迎太子不賈詔書以單車載太子欲出太子太

傅高襄不知所以力不能止開門臨去暉至橫劍當車
曰御史受詔監護太子太子國之儲副天命所繫常侍

來無一尺詔書安知非挾姦耶今日之事有死而已梵
不敢爭陳壽者舊傳曰楊仁字文義明帝引見問當代

政治之事仁對上大奇之拜仁侍御史明帝崩是時諸
馬貴盛各爭入宮仁披甲持戟遮勅宮門不得令入章

帝既立諸馬更諧仁劾霍光收梁冀漢書曰嚴延年
刻峻於是上善之遷侍御史劾霍

光專廢立續漢書曰陳翔字子麟遷侍御史元左雍以
日朝賀梁冀威儀不整請收理罪時人奇之

能擢

孫綝習事補

曹氏傳曰左雍起於辟吏武帝以

曰中書屬通事令史孫綝限滿久習內事才詩唐蘇味道

贈封御史入臺詩

故事推三獨茲晨對兩閑夕鴉共鳴

繡衣風連臺閣起霜就簡書飛凜凜當朝又始背洛城

秋郊矚目奉懷臺中諸侍御詩

薄遊忝霜署直指戒冰

北臨山晴闕塞斷川暮廣城陰場圃通圭甸溝塍礙石

帝城猶鬱鬱征傳幾駸駸元希聲贈皇甫侍御赴都詩

迴憶披書地勞歌謝所欽

城南之美生于會稽牛斗之氣蓄於昆溪有瑤者玉連

初學記

十九

侯之胃心腹其始利器長材溫儀峻峙其二道心惟微厥
用允塞德暉不泯而映邦國靜以有神動而作則九皋
千里其聲不忒其三粵在古昔分官厥初刺邪矯枉非賢
勿居校校直指烈烈方書蒼玉鳴佩繡衣登車其四綽綽
夫君是膺柱下準繩有望名器無假寵蓋伯山氣雄公
雅立朝正色侯我能者其五載懷朋情嘗接閒宴好洽昆
弟官聯州縣如彼松竹春榮冬蒨柯葉藹然不渝霜霰
其會合非我關山坐遠離鴻曉引別葉秋飛駢騁徐動
樽餞相依遠情起忽歧路光輝其六金石其心芝蘭其室
言語方閒音徽自溢肅子風威屬子霜質贈言歲暮以
保貞
吉其

祕書監第九事按祕書監後漢桓帝置也掌圖書祕記

故曰祕書後省之至獻帝建安中魏武為魏王置祕書

令典尚書奏事即中書之任也亦兼掌圖書祕記之事

魏文黃初初分祕書立中書中書自置令典尚書奏事

而祕書改令為監別掌文籍焉

案漢官及齊職儀秦漢置尚書通掌圖書祕記

章奏之事漢武罷尚書官置中書掌其事光武罷中書官又置尚書漢獻帝置祕書令典尚書奏事當中書之

任則知中書本尚書之任

初漢置尚書中書屬少府

案漢官初

秦代少府遣吏四人於殿中主發書故號尚書尚猶主也中書本尚書之官故總隸屬少府

而祕書

本中書之官故魏初猶隸少府及王肅為監以為魏之

祕書即漢之東觀之職安可復屬少府自此不復焉

後漢

書云時學者以東觀為老氏藏室道家蓬萊山

至晉武又以祕書并入中書省

省其監晉惠復別置祕書監一人後世因之

其少監隋煬帝置也

以上並出漢官及齊職儀

唐因之龍朔二年改祕書省曰蘭臺其監

改名太史咸亨元年復為祕書監天授初改祕書省曰

麟臺其監不改神龍初復舊

初漢御史中丞在殿中掌蘭臺祕書圖籍唐以祕書

省為蘭臺即因斯義也漢西京未央宮中有麟閣亦藏祕書即揚雄校書之處也改祕書為麟臺亦因其義也

春秋韓宣子聘魯觀書於太史氏古者太史掌書改監為太史亦因其義

事對祕署 仙室

魚豢魏略曰蘭臺臺也而祕書署耳華嶠後漢書曰學者稱東觀為老氏藏室道家蓬萊山王融曲水詩序曰

紀言事於仙室謂藏室也

芸臺

蓬觀

魚養典略曰芸臺香辟紙魚蠹故藏書臺稱芸臺蓬觀見

仙室延閣

祕府

劉歆七略曰武帝廣獻書之路百年注中延閣祕府之間書積如丘山故外有太常太史博

士之藏內則延閣廣內祕室之府漢書曰天下文籍悉在廣內祕府之室謂之祕書

東壁東觀

蘭臺麟臺

石氏星經曰東壁之星主文籍東觀事見仙室注中漢書云御史中丞掌蘭臺祕書國籍

又魚養魏略曰薛夏為祕書丞時祕書掌公事移蘭臺蘭臺自以臺也祕書丞時為署耳謂夏不得移當有坐

者夏報曰蘭臺為外臺祕書為內閣臺也閣也何不相移之有蘭臺無以折之三輔黃圖曰未央宮東有麒麟

殿藏祕書即揚雄校書之處也以上載祕書

典圖書

掌祕典

東觀漢書曰桓帝延熹二

年初置祕書監掌典圖書古今文字考合異同溫嶠舉荀崧為祕書監曰夫國史之典將以明失得之跡謂之

實錄使一代之典煥然可觀散騎常侍崧文質彬彬考
思義通博歷位先朝蒞事以穆宜掌祕典宣明史籍

同異

校古今

考同異事見典圖書注王隱晉書曰惠
帝永平元年詔云祕書監綜理經籍考

校古今課試署吏領
有四百人宜專其事

典文章

綜經籍

華嶠集曰詔尚
書曰亭侯嶠體

素弘簡文學該通經覽古今博聞多識著書實錄有良
史之志故轉為祕書監其加散騎常侍班同中書寺為
內臺使中書散騎及著作理禮音律天文數術南省
文章門下撰集皆典領之綜經籍見校古今注中

皇覽

次竹書

魏志曰王象字羲伯散騎常侍領祕書
監撰皇覽傳暢晉諸公讚曰荀勗領祕

書監太康二年汲郡冢中得竹書勗躬自撰次
注寫以為中經列於祕書經傳闕文多所證明著陽秋

典文字

何法盛晉中興書曰孫盛字安國為祕書監
加給事中篤尚好學自少及長常手不釋卷

既居史官乃著三國陽幽讚符命宣明史籍傳暢晉

秋典文字見典圖書注曰庾峻自司空長史遷秘書監幽讚符命天詩宋顏延

文地理因有述焉宣明史籍事見掌秘典注詩宋顏延

之和謝監靈運詩弱植慕端操寤步懼先迷寡立非擇

兩聞雖慙丹艘施未謂玄素睽徒遭良時設王道奄昏

霍人神幽明絕朋好雲雨乖屈汀洲浦謁帝蒼山蹊

倚巖聽緒風攀林結留美政予間衡嶠曷月瞻泰稽皇

聖昭天德豐澤振沉泥惜無雀雉化何用充海淮去國

還故里幽門樹蓬藜采茨葺昔宇剪棘開舊畦物謝時

既晏年往志不偕親仁數情暱興玩究辭悽芬馥歇蘭

略引前滋漢壁含遺篆名山多逸詞綠編方委閣素簡
日盈輜空幸衆驚驚比秀惡瓊芝挹流既知廣復道還

自庾肩吾和劉明府觀湘東王書詩

陳王擅書府河間富典墳五車

方累篋七閣自連雲松葉反東芳帙氣栢燠許運起厨
文羽陵青簡出嬌泉綠字分方因接遊聖暫得奉朝聞

峯樓霞早發林殿日先曉周庾信麟趾殿校書和劉儀
洛城復接眼歸軒畏後羣

同詩

止戈興禮樂修文盛典謨壁開金石篆河浮雲霧
圖芸香上延閣碑石向鴻都誦書徵博士明經拜

大夫壁池寒水落學市舊槐疎高談變白馬雄辯塞飛
孤月落將軍樹風驚御史烏子雲方汗簡溫舒正削蒲

連雲雖有閣詔唐太宗正授顏師古祕書監詔

祕府望華史官

任重選衆而舉歷代攸難守祕書監顏師古體業淹和
器用詳敏學該流略詞兼典麗職司圖書亟經歲序朱

紫既辨著述有成宜正名
器允茲望實可祕書監
歲後漢崔瑗東觀漢記
觀古之

史官三墳五典靡義不賈左書君行右記其言辛尹顧
訪文武明宣倚相見實荆國以安何以李代咆不度
在強奮矯戮彼達干衛巫蠱謗國莫敢言狐突見片淖
齒見殘焚文坑儒羸反為漢巫蠱之毒殘者數萬吁嗟
後王曷不斯鑒是以明哲先識擇木而處夏終殷摯周
聘晉黍或笑或泣抱籍遁走三葉靖公果喪厥緒宗廟
隨夷遠之荆楚麥秀之歌億
載不腐史臣司藝敢告侍後

祕書丞第十敘案祕書丞魏官也齊職儀云初漢獻帝

置祕書令有丞二人蓋中書之任魏文分祕書立中書
以祕書左丞劉放為中書監祕書右丞孫資為中書令

而祕書改令為監別掌文籍自置丞一人多以祕書郎遷之其後何禎上許都賦帝異之拜祕書郎後月餘禎闕事帝問曰吾本用禎為丞何故為郎案主者罪遂改為丞時祕書本有一丞尚未轉遂以禎為右丞右丞置自禎始也至宋省一丞後代並因之唐龍朔二年改為

蘭臺丞咸亨初復舊事對鹿車

銅印

王肅表論祕書丞郎儀宜此尚

書郎侍御史今侍御史乘轎車奏事用尺一祕書丞郎乘鹿車猶用尺奏恐非陛下崇儒之本意齊職儀云祕書丞銅印

近日月

奏文賦

王肅論祕書表云青龍中議祕書丞郎與博士議郎同職

近日月宜在三臺上魏略曰嚴苞以高才謂薛君用黃初中入為祕書丞數奏文賦帝甚異之

何禎

魚豢魏略曰薛夏天水人東詣京師文帝嘉其才黃初中引為祕書丞帝與夏推論書傳未嘗不終

日也每呼之不名而謂之薛君用何禎見叙事雅有文才

徧觀今古

王隱晉書曰稽

紹字延祖雅有文才山濤啓武帝可為祕書郎帝曰詔既如此便可為丞又曰庾峻少好學有文才轉祕書丞

徧觀今古表齊王融拜祕書丞謝表

臣聞升離戒晨陰闡見益廣

停夕幽草或漏其津至如明兼就日澤深行雨不有聖德誰或其然所以欽至道而出青皋捨布衣而望朱闕懷祿仕在代耕期榮不謀入用豈悟特擢之例事均延祖置左之恩任光元輔踰溢情涯普燭身表畏翹車而必讓誠濡翼之願解既聖主謂其可施故愚臣然思自勉

秘書郎第十一敘 秘書郎魏官也初漢獻帝置秘書令

有丞郎蓋是中書之任魏文分秘書為中書而秘書別

掌文籍領秘書丞及秘書郎中即其任也至宋除中字

直曰秘書郎此職與著作郎自置以來多起家之選在

中朝或才授歷江左多仕貴游而梁世尤甚當時諺

曰上車不落為著作體中何如則秘書言其不用才也

至北齊又加中字至隋又除中字

出齊職儀及五代史百官志

唐因

之龍朔二年曰蘭臺郎咸亨初復舊天授初曰麟臺郎

神龍初復舊事對耽美書

刪舊文

蜀志曰郗正字令先安貧好學弱冠

能屬文連祕書郎性澹於榮利而尤耽意文章及當代美書王隱晉書曰鄭默字思元為祕書郎刪省舊文除

其浮穢著魏中經簿中書令虞松謂默曰而今而後朱紫別矣賦三都著中經王隱晉書

曰左思專思三都賦絕人倫之事自以所見不博求為祕書郎著中經見刪舊文注掌三閣定

四部

晉令曰祕書郎掌中外三閣經書覆校殘闕正定脫誤晉太康起居注曰祕書丞桓石綏啟校定四

部之書詔遣郎中四人各掌一部

別朱紫

澹榮利

別朱紫事見刪舊文注澹榮利事見

耽美書注彈文梁沈約奏彈祕書郎蕭遙昌文

謹按兼祕書郎臣蕭遙昌

盛威茂年升華祕館淑慎之迹未彰違情之容已及宜寘戮綱以肅朝風請以見事免遙昌所居官

著作郎第十二

著作佐郎
郎附事

著作郎魏官也沈約宋書百

官志云初東漢圖籍在東觀名儒碩學多著作東觀然
皆他官假著作之名而未立著作之官至魏太和中始
置著作郎官隸中書省魏晉之際中書兼國史之職史
官在焉故魏代王沈為中書著作郎晉初繆徵為中書
著作郎並是也至晉惠帝詔曰著作舊屬中書而祕書
既別典文籍今改中書著作郎為祕書著作郎亦為大
著作後代因之唐初因之龍朔二年改為司文郎中咸

亨初復舊著作佐郎魏置掌貳著作佐郎修國史初俱

隸中書謂之中書著作佐郎晉惠帝時與大著作郎同

隸祕書後代因之

出宋書百官志

唐因之龍朔二年改為司文

郎咸亨初復舊

張華年四十得河南尹丞不拜轉著作佐郎又張載字孟陽為著作佐郎作漆

汜池賦傳玄見之歎息以車迎載郭璞獻南郊賦中宗嘉其才以為著作佐郎沈約宋書曰後漢已來太史但

掌天文律歷而已其國記撰述悉在著作江左王導表著作為史官是也晉中興書曰華譚為祕書監時晉陵

朱鳳吳郡吳震等以單族二人並有史才白首於衡門後譚知之薦二人擢補著作佐郎並皆稱職也事

對待詔刊石

晉元康元年詔曰著作郎舊隸中書大興二年依漢故事召陳郡王隱待詔著

作單衣介幘朝朔望於著作班次依佐郎也又晉中興書曰孫綽為散騎常侍領大著作轉廷尉著作如故于

時才筆之士綽為冠故溫王郗庾才筆史法才筆事見刊石

諸公之薨必須綽銘而後刊石

注王隱晉書曰何司文籍議限斷司文籍見敘事王隱晉書曰陸士衡

萬善史法為著作

以文學為祕書監虞濬所應亨五葉崔駰三世應亨集讓

請為著作郎議晉書限斷

著作表曰自司隸校尉奉至臣五葉著作不絕卿族以為美談崔駰三世相繼其後無聞若乃談運接武彪固

蹟跡亦各一世之西觀南郊張隱文士傳曰東哲元康四年晚應司空府入

良也以上著作郎

月餘亦除著作佐郎著作西觀撰晉書草創三帝紀及十志晉中興書曰太興元年郭璞奏南郊賦中宗嘉其

才以為著難限斷賦濛汜晉紀曰東哲字廣微祕書監賈謐請為著作郎難陸

作佐郎

士衡晉書限斷張載字孟陽作濛汜賦太僕傳立見賦歎息以車迎載言談終日深相貴重載遂知名起家徵

為著作

撰三國

創十志

張華別傳曰陳壽好學善著述師事同郡譙周少仕蜀在

佐郎

觀閣為郎除中書著作郎撰三國志創十志事見西觀注中

傳立歎賦

夏湛壞書

傳立歎賦事見濛汜注中張華別傳曰陳壽好學善著述除著作佐郎當時夏侯湛等多欲作魏書見壽所作

即壞已書以詩北齊邢邵酬魏叔冬夜直史館詩

年

上著作佐郎從衡至動息自不安兼豆未能飽重裘詎解寒况乃冬之夜霜氣有餘酸風音響北牖月影度南端燈光明且滅華燭新復殘衰顏依俟改壯志與時閑體羸不盡帶髮落強扶冠夜景將欲近夕息故無寬忽有清風贈辭義婉如蘭先言歎三友末言慙一官麗藻高鄭衛專學美齊韓審喻雖有屬筆削少能干高足自無限積風良

可持空想青雲易寧見赤松表梁沈約到著作省表臣

難寄語東山道高駕且盤桓

言即日被召以本官兼今職臣藝不博古學謝專家乏懷鉛之志慙夢腸之術聯事幸善握蘭慙良謬勒斷蛇

之符預刊冰河之業路遙難騁才弱未勝而神工曲造

雕絢彌疊珥筆史觀記言文府趨奉載揚覲懽交頽

太常卿第十三事釋名云卿慶也言萬物皆慶賴之又

卿章也言貴盛章著也案古者天子諸侯皆名執政大

臣曰正卿自周以來始有三公九卿之號大率九卿多

秦漢官也漢世雖號九卿其官無卿字至梁始加卿字

其後並因之秦漢以來直云某為太常梁又象四時置

至梁始云某為太常卿

十二卿陳氏因之

梁以太常司農宗正為春卿太僕太府少府為夏卿衛尉廷尉大匠為秋卿光

祿鴻臚太尉為冬卿

後魏依南齊以前置九卿又各加少卿焉北

齊隋因之

自梁以下出五代史百官志

唐龍朔二年加正卿以別少

卿咸亨初復舊除正字

歷代九卿廢置不同自漢以來皆數少府北齊隋則不數後漢

省衛尉東晉及宋齊省太僕齊宋以前無太府以上總載九卿

宋太常漢官也宋百官

春秋云昔唐虞伯夷作秩宗典三禮周則春官宗伯掌

禮樂並其任也初秦置奉常漢祖更名太常惠帝又曰

奉常景帝又曰太常

如淳曰常典也常典三禮故曰太常或曰太常王者之旌禮官主奉

持之故曰奉常後改曰太常尊大之義故改名之

王莽改曰秩宗東漢又曰太

常五代史百官志云至梁加卿字曰太常卿其後因之

唐初因之龍朔二年改為奉常咸亨初復舊光宅初曰

司禮卿神龍初復舊事對法河

括海

春秋漢舍孽曰三公象五獸九

卿法河海謝承後漢書曰李淑諫更始曰夫三公上應垣宿九卿下括河海

龜鈕

犀印

漢官

儀曰卿秩中二千石孝武皇帝元狩二年令通官印方寸大小官印五分王公侯金二千石銀印龜鈕司馬彪

漢書曰二千石以下至四百石佩雙印皆以黑犀

藻衣

花綬

漢官儀曰衣裳公侯華蟲卿大

夫藻火又曰卿秩中二千石綬青地桃花三彩

緹扇

朱轡

續漢書曰卿以下有駢者緹扇汗青

翅尾又曰秩中二千石皆皂蓋朱轎參三槐位九棘帝王世紀曰九卿者所以參三公也

又周禮曰面三槐三公位焉又曰朝士掌外朝之法左九棘孤卿大夫位焉鄭玄注曰樹棘以為位者取其赤

心而外刺象赤心三刺奉常宗伯漢書曰秦曰奉常掌宗廟禮儀景帝中平六年更名太常

周禮曰春官宗伯掌天神地祇掌宗廟作禮樂掌宗廟事見奉常注續漢書張奮拜太常

言禮樂當改作上善之典三禮首九卿漢書曰太常古官云伯夷秩宗典三禮欲令國

家盛大社稷常存故稱太常漢官解詁曰太常社稷郊時事重職尊故號九卿之首造廬特賜

賣宅自給晉中興書曰賀循字彥先拜太常中宗踐阼下令曰循水清玉潔行為俗表加位處上卿

居身服物蓋身而已屋纔庇風雨孤常造其廬特為慨然其賜以六尺床席褥并錢二十萬以表至德魏志曰

和洽字陽正為太常清貧賣田宅以自給也

桓榮設几

孫通賜金

華嶠後漢書曰

桓榮字春卿以少傳遷太常明帝即位尊以師禮甚見親重拜之乘輿每常幸太常府令榮東面坐設几杖會百官史記曰高祖滅秦已登尊號羣臣飲多功醉或妄呼拔劔擊柱高祖恚之於是叔孫通進說遂設綿蕝野外習之月餘通曰可試觀上使行禮畢復置法酒無敢譙譟失禮者高祖曰吾乃今日知為皇帝之貴也拜通太常賜金五百斤

馬安四至

段容再登

漢書曰司馬安巧宦四至九卿又曰濮陽

段容始事蓋侯信信仕容官亦再至九卿

還第攝事

干齋怒妻

晉起居注曰安帝二

年太常臨川王寶啟府舍窄狹不足移家母鍾年高連離靡寧乞還第攝事詔聽之應劭漢官曰北海周澤為太常恒齋其妻憐其年老疲病窺內問之澤大怒以為干齋掾吏叩頭爭之不聽遂收送詔獄并自劾論者非

其激發諺曰生世不諧為太常妻一歲三百六十日表
三百五十九日齋一日不齋醉如泥既作事復低迷

梁陸倕為王光祿轉太常讓表

昔者楚德方盛叔敖濯衣漢道克昌王陽結綬

故拜命無辭受爵不讓況宗卿清重歷選所難漢晉已降莫非素範辭爵則桓郁張奮讓封則丁鴻劉愷潘尼

之文雅純深華表之從容退嘿自此迄茲風流繼軌以臣沉之曾無等級

陳沈炯為周弘正讓

太常表

臣聞玉烏彫楹不取材於蟠木丹珠繡黼豈襲

叔孫之野外定禮倍資典實刁協之躬為唱引豈易其儀儻九賓闕相封禪失儀責以司存云誰之咎況南史

執簡轉見連才君舉必書尤難妄冒

歲後漢崔駰太常歲

翼翼太常實為宗伯穆穆靈祇寢廟奕奕

稱扶元祀班於羣神我祀既祇我菜孔蠲匪慙匪忒公尸攸宜弗祈弗求惟德之報不矯不誣庶無罪悔無曰

我材輕身恃盛東鄰之犧牛不如西鄰之參
魚秦頌望吳隱覽鍾巫常臣司宗敢告執書

司農卿第十四

事敘

司農卿漢官也漢官云初秦置理粟

內史掌穀貨漢因之景帝更名大農令武帝更名大司

農

按堯命羲和四子敬授人時舜二十二官棄為后稷
播時百穀蓋其任也周官冢宰之屬有太府下大夫

鄭玄注曰太府主治藏之長
若今時司農也並司農之任

王莽改大司農曰羲和後

又改為納言東漢復為大司農五代史百官志云梁加

卿字曰司農卿省大字後魏又加大字北齊又除大字

隋氏因之唐初因之龍朔二年改曰司稼卿咸亨元年

復舊事對六府

萬石

崔瑗鮑德詠曰乃司大事掌是六府三事先功地修地聚漢武

帝栢梁詩大司農曰陳粟萬石揚籩之

天倉

國泉

韓揚天文要集曰天倉者大司農也史游

急就篇曰司農少府國之泉也

司金

掌帛

楊雄大司農歲曰維時大農爰司金穀續漢書曰大

司農卿一人中二十石掌諸錢穀金帛

周曰太府

莽改義和

周曰太府見叙事注

漢書曰平帝元始元年改大司農曰義和以劉歆為之

高詡方正

牟融明達

東觀

漢記高詡字季回以儒學徵拜大司農在朝以清白方正稱又曰牟融字子優為大司農性明達稱為名卿

安車徵鄭

天子器

續漢書曰鄭玄公車徵為大司農給安車一乘所過長吏送迎

又曰朕國字叔慮為大司農曉邊事能論議數上便宜事天子器之

延年盜錢

趙典交

德

漢書曰田延年為大司農坐盜都內錢三十萬自殺
續漢書曰趙典字仲經為大司農閉門却掃非德不

交
歲漢揚雄大司農歲

時維大農爰司金穀自京阻荒
粒人是解榮自殿初實施惟食

厥僚后稷有無遷易實均實贏惟都作程旁求衣食
民攸生上稽二帝下閱三王什一之征為民作常遠近
貢篚百則不忘帝王之盛實在農植季周蠲蠲而東作
不勅膏腴不獲庶物並荒府庫殫虛靡積倉箱陵遲衰
微周卒以亡秦收大半二世不瘳泣血
之求海內無聊農臣司均敢告執錄

晉張華大司農

歲

家有廬井王有廩籍阜茂豐物和鈞闢石在周之季
不虞政首棄授帑務不藉千畝匱神乏祀敗於戎醜

穡

臣司農
敢告左右

太府卿第十五
事太府卿周官也

周禮天官屬有太府
下大夫掌貢賦受其

貨賄之入

掌府藏貨賄秦漢以下不置其官職務所司分在

司農少府矣至梁始置太府卿陳及後魏北齊隋皆因

梁置之

並見五代史志及後魏官氏志

唐龍朔二年改為外府卿咸亨

初復舊光宅初改為司府卿神龍初復舊

自梁以前無太府故其事

對及文章並闕今既列在九卿之數特存於敘事應煩作文章亦可參採司農之事用也

光祿卿第十六

敘事

光祿卿漢官也齊職儀云初秦置郎

中令掌宮殿門戶及主諸郎之在殿中侍衛故曰郎中

令

漢官云郎中令屬官有五官中郎將左右中郎將曰三署署中各有中郎議郎侍郎郎中皆無員多至千

人主執戟衛宮陞及諸虎賁郎羽林郎皆屬焉謂之郎中令者言領諸郎而為之令長漢因之至武

帝更名光祿勳

應劭曰光明也祿爵也勳功也言光祿與郎謁者虎賁羽林舉不失德賞不失

勞故曰光祿勳如淳鄭玄並云勳猶闕也今光祿勳則古闕之職

後漢獻帝又為郎中

令魏文又為光祿勳後世因之五代史百官志云至梁

加卿字曰光祿卿除勳字後代因之北齊兼掌看膳隋

則全掌看膳不復掌宮殿門唐初因之龍朔二年改曰

司宰卿咸亨初復舊光宅初改為司膳卿神龍初復舊

事對首九列

總三署

庾冰集用樂謨詔草曰光祿九卿列首且職典吏署續漢書曰杜

林字伯山為光祿勳內奉宿衛
外總三署周密敬慎選舉稱平
兆宮室掌掖門兆宮見

下楊雄歲漢書奏曰郎中令掌宮掖門
戶有丞武帝太初元年更名光祿勳
歎至德薦名

士孟宗別傳曰宗為光祿勳大會宗先少酒偶有強者
飲一杯便吐傳詔司察宗吐參飯察者以聞上乃歎

息曰至德清純如此續漢書曰杜
林字伯山選舉稱平數薦名士
入卧內總從官漢書

曰周仁景帝時為郎中令為人陰重不洩以是得幸出
入卧內後宮祕戲仁常在傍終無所言栢梁詩光祿勳

曰總領從官栢梁臺辯棄甲問投蛇魏志曰王肅字子雍為光祿勳時有一魚長尺集武

庫之屋有司以為吉祥肅辨之曰魚生於泉而見於屋
介鱗之物失其所也邊將其殆有棄甲之變乎其後果

有東闕之敗謝承後漢書曰楊賜字伯欽拜光祿勳位
特進又嘉德殿前有青赤氣詔特進遣中使問賜祥異

禍福吉凶所在以賜博學碩儒故密諮問宜極陳其意
嘗上疏陳請案春秋譏天投蜺海內亂今妄嬖閹尹共
專國朝之
宣王拜林景帝問表
魏志曰常林徙光祿
勳太常晉宣王以林

鄉邑耆老每為之拜或謂林曰司馬公貴重君宜且止
之林曰司馬公自欲敦長幼之序以為後生之法貴非
吾之所畏也言者慙慙縮縮又曰鄭表為光祿勳毋立
儉作亂景帝自征之百官祖送時表疾不在會上謂王
肅唯不見鄭光祿為恨表聞自與追上上笑曰**安世捷**
固知生必來也遂與同載問以計謀帝甚重之
奴曜卿賜穀
漢書曰張安世字孺子為光祿勳郎有
醉小便殿上主事白行法安世曰何以
知其不覆漿水耶郎有淫官婢婢兄自言安世曰奴以
恚怒誣汚衣冠告署捷奴其隲人過皆此類也魏志曰
袁渙字曜卿為郎中令時言劉備死君臣皆賀渙以常
為備吏獨不賀卒於官太祖為之流涕賜穀二千石太倉

穀千斛垣下穀千斛與曜經北宮御家上言官法下言親故室畫為歲漢揚雄光祿勳歲

中外廊殿門闥限以禁界國有周衛人有藩籬各有攸保守以不岐昔在夏殷桀紂淫酒持牛之飲門戶荒亂郎雖執戟謁者參差殿中成市或鼓或鞀忘其廊廟而聚大通逃四方多罪載號載呶內不可不省外不可不清德人立朝義士充健祿臣司光敢告執經

鴻臚卿第十七事鴻臚卿漢官也漢官云昔唐虞賓於四門此則禮賓之制

也與鴻臚之任亦同也周禮大行人掌賓客及諸侯朝覲事即其

任也漢官云秦置典客掌諸侯及歸義蠻夷漢因之景

帝更名大行令武帝改曰大鴻臚胡廣曰鴻聲也臚傳也所以傳聲贊導九

賓劉熙曰鴻大也腹前曰臚此言以京師為心腹以王侯
蕃國為四體韋昭曰鴻大也臚其陳序也故以大禮陳序
於賓客初秦又有典屬國亦掌蠻夷降者漢亦因之成帝并

入大鴻臚王莽改鴻臚為典樂東漢又曰鴻臚其後並因
之五代史百官志云至梁加卿字曰鴻臚卿除大字後魏
又加大字北齊又除之隋氏因之唐初因之龍朔二年改
為同文卿咸亨初復舊光宅初改曰司賓卿神龍初復舊

事對掌蠻

主故

漢書曰典客秦官秩中二十石掌諸侯及四方歸義蠻夷皇子拜授印綬

山濤啟事曰鴻臚主故事前後為之者率多不善了今缺當選御史中丞刁攸不審於爾宜不主祠

序客

東觀漢記曰大鴻臚漢舊官建武元年復置屬官大丞一人

大行丞有治禮員四十七人主齋祠饗贊九賓之禮韋昭釋名辨鴻臚者本故典客事掌賓禮武帝時更為鴻臚鴻大也臚陳序也欲以大禮陳序於

賓客也

遷公

慙長

東觀漢記曰鴻臚三十六人其陳寵左雄朱寵麗參施延並遷公謝承後

漢書曰陳紀字元方遭父太丘長寔憂嘔血絕氣豫州嘉其至行表上尚書圖畫百城以勵風俗袁紹以太尉讓紀紀不受拜大鴻臚卒官子羣掌四方夷

禮

掌四方夷見上掌蠻注贊九賓禮見上主祠注

秦曰典客

漢置鴻臚

並見叙事

刁攸能人

韓宣稱職

山濤啟事曰鴻臚多不善了今缺當選御史中丞刁攸舊能人

魏略曰韓宣字景然為大鴻臚始南陽曲阜韓暨以宿德在宣前為大鴻臚及宣在官亦稱職故鴻臚中為之

語曰大鴻臚小鴻臚
前後治行曷相如
歲漢揚雄大鴻臚箴
通塏極陶陶

百王天工人力盡為上下羅條百職人有才能察有級
差違能於官各有攸宜主以不廢官以不隳昔在三代
二季不蠲穢德慢道署非其人失其材職反其官案
察荒耄國政如漫文不可武武不可文大小上下不可

奪倫鴻臚臣司
爵敢告在鄰

宗正卿第十八
敘宗正卿周官也宋百官春秋云周受

命封建宗盟
周封兄弟之國十有五
始選其宗中之長

同姓之國三十有五

而董正之謂之宗正成王時彤伯入為宗正掌王親屬
是也秦漢因之平帝更名宗伯王莽改為秩宗東漢復

為宗正晉曰大宗正

後魏皆同姓為之晉以後雖用庶姓為之

五代史百官

志云至梁加卿字除大字曰宗正卿北齊又加大字隋

又除之唐初因之龍朔二年改為司宗卿咸亨初復舊

光宅初改為司屬卿神龍初復舊事對司宗

掌親

司宗

見下揚雄箴

掌親見敘事仁孝

忠直

東觀漢記曰劉平字公子以仁孝著聞永平三年為宗正

漢書曰劉向字子政元帝時蕭望之周堪薦向宗室忠直明經有行為宗正

掌親屬

錄嫡

庶漢書曰宗正秦官掌親屬有丞平帝元始四年更名宗伯司馬彪續漢書曰宗正卿一人秩二千石掌序

錄王國嫡庶人次及諸宗室親屬遠近郡國歲計上宗室名若有犯法當髡以上上諸宗正卿

畏盛滿

竭忠節

漢書曰劉德字路叔修黃老術有智略少時數言時事召見甘泉宮武帝謂之千里駒昭

帝初為宗正丞後為宗正卿妻死大將軍欲以女妻之德不敢娶畏威滿也東觀記曰劉般字伯興代名忠孝

在朝竭忠盡節建初元年拜為宗正

箴漢揚雄宗正卿箴

巍巍帝克欽親九族經哲宗伯

禮有攸訓屬有攸藉各有胃子代以不錯昔在夏時太康不恭有仍二女五子家降晉獻悖統宋宣亂序齊桓不肖而忘其宗緒周譏戎女魯喜子同高作秦桀而扶蘇被凶宗廟荒墟魂靈靡附伯臣司宗敢告執主

衛尉卿第十九

敘事

齊職儀云衛尉秦官也掌宮門衛屯

兵

蓋周禮宗伯官正之職尉者尉也古者兵獄之官皆名尉言以羅尉令主奸非

漢因之景帝

更名中大夫令尋復舊為衛尉自王莽及後漢初並省

之至獻帝復置魏晉宋齊因之五代史百官志云至梁加卿字曰衛尉卿後代並因之唐武德初省之貞觀中復置龍朔二年改為司衛卿咸亨初復舊光宅初又改

為司衛卿神龍初復舊事對千列八屯

班固西都賦曰周廬千列

微道綺錯張衡西京賦曰衛尉八屯警夜巡查微道外周千廬內附

周廬

夾道

漢官解詁曰衛

尉掌宮闕周廬殿屯陳夾道當兵交戟胡廣注曰宮闕之內周廬殿各陳屯交兵士以示威武交戟以遮妄出

入周衛

巡警

漢武帝栢梁詩衛尉曰周衛交戟禁不時張衡西京賦曰衛尉八屯警夜巡查

交戟屯兵

交戟見上周廬注漢書曰衛尉秦官掌宮門屯兵有丞景帝初更名中大夫令後元

年復為衛尉

案籍受傳

見符識引

胡廣注解詁云凡屋宮中者皆施籍於掖門按

其姓名當入者本官長吏為之封啟傳審其印信然後受之有籍者皆復有符用木長二寸以所屬官兩字為鐵印分符當出入者案籍畢復識齒符識其物色乃引內之

祿賜親戚

身無愛惜

吳志曰嚴峻自孫權為吳王及稱尊號峻常為衛尉祿賜皆散之親戚知故家常不充續漢書曰陰興為衛尉

每將遠征身行勞問無所愛惜

歲漢揚雄衛尉歲

茫茫上天崇高其居設置山險畫為防禦

重垠累城以難不律闕為城衛以待暴卒國以有固人以有內各保其守永攸不敗維昔庶僚官得其人荷戈而歌中外以堅齊桓休惕宿衛不勅門非其人戶廢其職曹子探劍遂成其詐軻挾匕首而衛人不寤二世妄宿敗於望夷閭樂矯詔戰者不推尉臣司衛散告執維

太僕卿第二十

敘事

齊職儀云太僕周官也尚書稱穆王

命伯冏為太僕正是也蓋為衆僕之長曰太僕秦因之

掌輿馬歷漢後魏及晉西朝咸置之至東晉元帝省之

後復置至成帝又省之併入宗正蓋有事郊祀則權置

畢則省宋齊因之五代史百官志云梁又置之加卿字

曰太僕卿後皆因之唐初因之龍朔二年改為司馭卿

咸亨初復舊光宅初改為司僕卿神龍初復舊事對前

驅馭駕

周禮曰太僕王出入則自左馭而前驅鄭玄注云前驅如今導引也續漢書曰太僕周官

秩中二千石掌車馬天子
拭輿 數馬 漢武帝栢梁詩太僕曰牧拭輿

馬待警來漢雜事曰石慶為太僕御出上問車中幾馬
慶以策數馬舉手曰六馬慶於兄弟中最為簡易而猶

如**奉車待警** 漢書曰夏侯嬰為沛公太僕常奉車嬰此

惠帝高后文帝凡四
子尼儉次孫清 魏志曰國泉字子尼為太僕居

列卿位布衣蔬食祿賜散舊故宗族以恭儉自守續漢
書曰祭彤字次孫為太僕朝廷聞彤素清有道而衣無

兼**副建路鼓箴乘輿** 周禮曰太僕掌王之服位出入王之大命建路鼓於大寢之門外而

掌其政王出入則自右馭而前驅魏志
曰潘尼字景叔侍中為太僕造乘輿箴詩晉孫楚太僕

座上詩曰 朝欽厥庸出尹京畿迴授太僕四牡駢駢駢耳盈箱翠華歲熱齊庭實增國之暉
箴

漢揚雄太僕箴

肅肅太僕車馬是供銷銷和鸞駕彼時龍昔在上帝巡狩四宅王用三驅前禽

是射紂作不令武王征殷檀車孔夏四駟孔昕僕大執
倖載駢載駟我與云安我馬惟閑雖馳雖驅匪逸匪愆
昔有淫畀馳騁忘歸景公千駟而淫於齊詩好牡馬牧
於垌野輦車就牧而詩人興魯廐焚問人仲尼厚醜孟
子蓋悉夫廐多肥馬而野有
餓殍僕臣司駕敢告執皂

大理卿第二十一

事叙

齊職儀云大理古官也唐虞以臯

陶作士士理官也

春秋元命包曰堯為天子夢馬喙子得臯陶聘為大理

初秦置

廷尉

應劭曰古官兵獄官多以尉稱尉者罰也言以兵獄羅罽奸非也古之聽訟必質於朝廷與衆共之

故曰廷尉

漢因之景帝改曰大理武帝又曰廷尉哀帝又曰

大理王莽改曰作士東漢又曰廷尉晉宋齊並為廷尉
五代史百官志云梁加卿字曰廷尉卿後並因之唐龍
朔二年改曰詳刑卿咸亨初復舊光宅初改曰司刑卿

神龍初復舊事對臯呂

于張

潘岳楊荊州誄曰惟此大理國之憲章君莅其

任視民如傷庶獄明慎刑辟端詳聽參臯呂稱侔于張
臯臯陶也虞書曰帝曰臯陶汝作士明於五刑呂呂侯

為周王司寇周書曰穆王訓夏賁刑作呂
刑于于定國張張釋之事見下無冤注中流涕 垂念

謝承後漢書曰傳賢字仲舒遷廷尉賢清廉平直自掌
法官無私問常垂念刑法務從輕比每冬至斷獄遲迴

流涕又曰盛吉字君達拜廷尉
自掌憲平法常懇惻垂念之

有恩

無冤

虞預會稽
典錄曰盛

吉字君達為廷尉性多哀憐其妻謂吉曰君為天下執法不可使一人激罪殃及子孫其囚無後嗣者令其妻妾得入使有遺類視事十二年天下稱有恩漢書曰于定國為廷尉為人卑恭尤重經術決疑平法務在哀鰥寡罪疑從輕加審慎之心朝廷稱之曰張釋之為廷尉天下無冤民于定國為廷尉民自以不冤耳剽

面決

漢書曰朱博遭廷尉恐為官屬所誣召見正監典法掾史謂曰廷尉本起於武吏不明法律幸

有衆賢亦何憂然廷尉治郡斷獄以來二十年獨耳剽日久三尺律令人事出其中試與正監共撰前代決事吏議難知者數十事持以問廷尉將為諸君覆之正監以為博苟強意未必能然即共條白焉博皆召掾史為平處其輕重十中八九官屬咸服顏師古注剽劫也概反鍾離幽會稽後賢記曰孔坦遭廷尉卿獄多因繫坦到官躬執辭狀口辨曲直小大以情不加楚梃每臺司錄獄無所顧問皆面決當時之事繫襪署

門漢書曰王先生者善黃老言處士也張釋之召居廷中王生年老與釋之及公卿會廷中立王生機解顧謂釋之為我繫機釋之前跪而繫之既退或讓王生曰何辱張廷尉乎王生曰廷尉方為天下名臣吾聊使繫機欲重之諸公聞之賢王生而重廷尉又曰下邳翟公為廷尉賓客填門及免官門外可設雀羅復為廷尉署其門曰一死一生乃知交情一貴一賤交情乃見

議絕妻

決分子

漢書曰孔

時定陵淳于長坐大逆誅長少妻乃始等六人皆以長事未發覺時棄去或更嫁及長事發丞相翟方進等議乃始等於法無以解論光以為夫婦之道有義則合絕義則離乃始或嫁義已絕而欲以為妻論殺之名不正不當坐有詔以光議是謝承後漢書曰范延壽宣帝時為廷尉時燕趙之間有三男共娶一妻生四子長各求離別爭財分子至聞於縣縣不能決斷讞之於廷尉於是延壽決之以為悖逆人倫比之禽獸生子屬其母以

子並付母尸三男於市奏免郡太守
令長等無帥化之道天子遂可其言
吳家三世 郭氏

七人 華嶠後漢書曰河南吳雄字季高以明法律桓帝
時自廷尉致位司徒雄少時家貧母死葬人所不

封之地喪事趨辦不卜時日巫皆言其族滅而雄子祈
孫恭三世為廷尉以法為名家又曰郭躬字仲孫為廷

尉正遷廷尉家代掌法律鎮自廷尉
左監遷廷尉凡郭氏為廷尉者七人
箴漢揚雄廷尉箴

天降五刑惟夏之績亂茲平民不回不僻昔在蚩尤爰
作淫刑延於苗民夏氏不寧穆王耄荒甫侯伊謀厥後

陵遷上帝不孤周輕其制秦繁其辜五刑紛紛靡遏靡
止寇賊滿山刑者半市皆在唐虞象刑天民是全紂作

炮烙墜人於淵故有國者無云何謂是則是剗無云何
害是剗是割惟虐惟殺人莫予奈殷以刑顓秦以酷敗

獄臣司理
敢告執謁
後漢崔駰大理箴
選矣卑陶翊唐作士設
為犴狴九州九理如石

之平如湖之清三槐九棘以賢以德罪人斯殛凶族斯
進熙又帝載旁施作明音在仲尼哀矜聖人子罕禮刑
衛人釋艱釋之其忠勲亮孝文于公哀寡定國廣門夏
哉避矣舊訓不遵主慢臣驕虐用其民賞以崇欲刑以
歸忿紂作炮烙周人滅殷商用淫刑湯誓其軍衛鞅酷
烈卒殞於秦不疑知害禍不及身嗟茲大理慎於爾官
實不可不思斷不可不虔或有忠能被害或有孝而見
殘吳沉伍胥殷剖比干莫遂爾情是截是刑無遂爾志
以速以亟天鑒在顯無細不錄福善
禍惡其效甚速理臣司律敢告執獄

初學記卷十二